

Ware Abconterfey- ung vnnnd vergleichung des Bap- stums/ Mit andern grösssten Rekerrien.

2. Petri 2.

Es werden auch vnter euch sein falsche lehrer/
die neben einführen werden schädliche Secten/
vnd verlegnen den Herrn der sie erkaufft hat.

1. Joan. 2.

Es sind vil Widerchristen worden.

Lactantius Fabricius Rhodanus
zum Christlichen Leser.

Das Böß niemandt wol fliehen kan/
Es werd im dann vor zeyget an.
Drumb ließ diß büch fleißig vnd frey/
Es warnet für grosser Bezerrei.



Vorrede zum Christlichen Leser.



Alld nach der auf
sart Christi/ vnd anfang
Christlicher lehre des hey
ligen Euangelij/ güther
ziger leser/ sind vil vnnnd
schwer Eczereien/ secten/
vnd selgame opinionen/
wider die reyne lehre vñ
ehr Christi/ menschlichs

heyl zuuerhindern/ von bösen menschen/ durch des
Teuffels anregung/ welcher eyn erschein Christ vñ
menschlichs heyls ist/ ins Christenthumb eingefüret
worden/ Dardurch auch nicht Eleyne zerrentung/
beyde Christlicher lehre vnd lebens eingerissen vnnnd
gefolget. Wie dan solche Eczereien/ die alten Christ
lichen lehrer/ Irenens/ Tertullianus/ Eusebius/ E
piphanius/ Hieronymus/ Augustinus/ vnd andere/
mit iren farben vnd lehren (nicht one besonder ge
schickte Gottes) fleissig abgemalt vnnnd beschriben/
vnd die selbigen meniglich für irthumb zuverwar
nen/mit Gottes wort/ welchem dise richtig zugegen
geleret/widerleget haben. Aber/wo dem Teuffel/
der tausent listig ist/ die laruen an eynem ort abge
zogen vnd sein falsch endecktet würt/ verbuget er sich
den nehisten auffeyn ander weiß/in schein cynes en
gels des lieches. Nimpt an die handt etliche sprüche
der schrifft/ aber nicht nach d meynung des heyligen

Römisch
Kirch

geysts/gibefür große heyligkēy vnd lauter geystlig
kēy inn eusserlichem schein. Durch welche stück vnd
dick/er nicht alleyn eyne od̄zwo kēgereien erweckt/
sonder vnterm namen vnd schein Götlich̄s worts
vñ Christlicher Kirchen/alle kēgereien/falsche leren/
vnd zerrüttungen/in eynen stündenden pfule/das
Bapstumb/zusammen geßlisse vnd bracht hat. Auch
beinahe yederman beredet/die Römische Kirche vnd
ire Bischöffen/fürnemlich der Bapst/sei das haupt
der Christenheyt/darzū one alle kēgerei. Sie könne
auch noch möge(wie die Sophisten vnd Canonisten
dichten) nicht irren. Sonder alles was die Römisch
Kirch(das ist Bapst/Bischöffe/Cardinal/Mönch
vnd Pfaffen/leren/sergen/machen vñ fürgeben soll
meniglich nicht weniger/dan̄ das senige so vns inn
heyliger geschriffte von Propheten vñ Aposteln Chri
sti/durch eingebung des heylgen geysts/sür geschrie
ben vnd von Gott gebotten ist/glauben vnd halten.
Vnd sind auch vil eynfelter (wie klar Gottes wort
diser zeit darwidder geprediget wirt) die noch nicht
anders wāhnen/dann alles was der Bapst/sampt
seiner vermeynten geystlichen errot/lehren vnd fürge
ben/das sollen vnd müssen alle menschen bei verluſt
ihrer seligkēy/als die warheyt vñ wort Christi selbs
annemen vñ volgen. Werden also durch disen schein
nicht alleyn von der warheyt inn irthumb/sonder
auch nachmals in abgrunde der hellen geführt.

Disen schweren vnd gefährlichen yrchumb zu
entdecken/vnd den eynfältigen drauß zu helfen/das
sie nicht drinnen verderben/Auch erkennen mögen/
wie gar sie verführt vnd vnrecht beredet sein. So hab
ich

Ich des Bapstumbs Lehre vnd Wesen/mit andern
gröſſesten vnd fürnemſten Egerereien (welche die wa
re heylige Chriſtliche Kirche/ auß Gottes wort/ als
der ehren Chriſti/ vnd menſchlichem heyl zuwider/
verdampft hat) auß ob erzelen alten Chriſtlichen le
rern/den vngelernten zu gütem/in teuiſcher ſpraach
verglichen / vnd hiſtoriſcher weiſe gegen eynander
geſtellet/ob vilteiche erlichen eynfeltigen/durch des
Bapſts vnd Endchriſts falſche Apoſteln/Teuffel
liſchen gleiß vnd ſchein verführet/vom vnuerſtande/
falſch vnd betrüg zu rechter erkanenus der war
heyt (welche iſt Chriſtus vnd ſein Wort) ja auß yre
thumb vnnd ewiger verdammus / zu warem liecht
vnd ewigem leben/ hie durch möchten widerbrachte
werden/vn ſich für diſen gleißenden teufel vnd ſtül
der peſtilenz des Römischen Endchriſts hinführt wiſ
ſen zuhüten/vnd nicht eynem yedem geiſt vnd Bā
pſtiſchen ſchweger/leichtlich glauben/Sondern die
geyſter/lehrer vnd prediger nach Gottes wort probi
ren lernen/ob ſie auß Gott ſeyen oder nicht/vnd alſo
das böſe wiſſen zuſehen/aber was güte iſt/zubehal
ten.

Auff das aber du Chriſtlicher leſer/im
wörtlin Eger/nicht irreſt noch zweiffelſt/wil ich dir/
wer vn was eyn Eger ſei/vnd mit warheyt genen
net werde/nicht auß meinem kopff/ ſondern die al
ten Chriſtlichen lehrer zuvor anzeygen. Irenaus
(hat gelebt nach Chriſtus geburt 180. jar) wider die
Valentinianer Eger. Im ij. büch c. ij. ſpricht alſo:
Wir volgen der Apoſteln lere/die ſie vns gegeben/
vnd dem glauben/welchen ſie den leuten verkündi
get haben/welcher durch die nachkommende predi

ger vnd lehrer biß auff vns kommen ist. Den selbigen (glauben) leren vnd zeygen wir an / Stellen hiemit schamrot vnnnd zuschanden / alle (Keger) die irgent eynicherley weise / entweder durch eygen böses wolgefallen / oder durch eitele ehre / oder durch blindeheyt vnd verkerres vireyl / anders dan sich gebürt / vnd die Apostolischen schrifftten erweisen / inn glaubenssachen leren vnd beschließen.

Vergründung was
Keger von

S. Cyprianus (hat gelebt anno 260.) inn der predige von redligkeyt oder fromkeyt der prelaten / beschreiber die Keger also: Keger sind neidige / geizige / stolze / Gotlose / hoffertige / zornwütige vnd vnuerregliche menschen / welche Gottes wort vnd sätzungen verachten / frembde menschen lehren vnnnd meysterschafft einführen. Sind der Herde vnd Gemeine Christi müßwilliglich zuwider. Falschirer vnd verkerer Gottes wort vñ warheyt. Biß her Cyprianus. Wie neidig aber der Römisch hofe sei / ist auß dem morde vnd blutvergießen / so die Römischen Bapst / nun etliche hundert jar inn Teutschen landen haben angericht / leichelich zusehen. Des Bapst Pfaffen vnd Nonchen geiz / hat beinahe d gangen welt güter zu sich gerissen vnd fressen. Sein stolz vnd hochmüt / laßet sich genugsam sehen / inn dem / das Keyser / Könige / vnd alle porentaten / im die füß küssen / ja vntern füßen leigen müssen. Das Gotlose wesen aber / bezeuget gnugsam das öffentlich / ehilos / härtsch / ehebreyerisch vñ Sodomitisch leben / der heyligen vätter / Bapst / Cardinäl / Bischoffen / Pfaffen vñ Nonchen in der gangen welt / Ich will yzt nicht sagen von / ver vilfaltigen abgöttereyen /

tereien/vñ ertichten Gotsdiensten/Wie verträglich
leut vnd Christlichs fridens begirig sie seien/haben
vil herlicher teutscher Keyser erfahren/ vnd fület es
teutschland nun mehr denn dreissig jar/ welches vil
jar cyn Christlich reformation des Antichristlichen
Bapstums begeret/aber nie erhalten mögen. Den
disen heyligen geystlichen leuten/ist keyn schüch der
Reformation gerecht/sie machens dann selber/ vnd
seien im Concilio richter vnd kläger/vnuerhindere
ires gefallens. In was achtung vnd werd bet al
len geachten geystlichen Gottes wort sei/ erweisen
nicht alleyn der Mönch vnd Sophisten schrifftten/
sonder auch erlicher Bapstlicher Concilien/ Decre
ta vnd beschluß/welche Gottes Wort/vnd den ab
ten Concilien richtig zuwidder sind/wie du hernach
weiter hören wirst. Das sie aber der Kirchen vnd
Gemeyne Christi nicht achten/ erscheinet auß dem/
dz sie ehr alle menschen znm teuffel faren lassen/dan
etwas an iren Gotlosen vnd nichtigen Kirchen wer
cken/stolz/pracht/geiz/ vnd andern vnchristlichen
dingen/verlieren oder nachgeben wölten. Wie sie
Gottes wort vnd warheyt falschiren vnd verkeren/
ist in der letzten Concilien decreten vnd sayungen/
vorab des zu Trient/im jar 1546. gehalten/vnd an
dern mehr gnug zusehen:

S. Augustinus hat gelebt vnd geleret anno 400.
ad Honoratum de Veritate credendi/beschreibt ey
nen Eger mit disen Worten: Eyn Eger/ist der von
wegen eygen vnd zeitliches nuzes/fürnemlich aber
vmb zeitlicher ehr/rhume vnd herschüg willen/fals
che vnd newe opinionen/leren vnd meynungen vff
die

die han bringet/oder solche annimpt vnd volget.

Auf welcher definition vnd beschreibung/ leicht-
lich abzunehmen vñ zuerkennen/das der Papsst/wie
du hören wirst/der rechte ergkezer vnd haupt aller
kezer ist. Dañ nie keyn kezer durch seine falsche lere/
erdichte gözen dienst / im vnd seinen rottenossen/
grössern eygen nutzen/chre vnd gewalt (ob sie es wol
gemeynlich alle gesücht) erlangt/ dann eben der
Papsst/durch seine Antichristische lere zuwegen ge-
bracht hat. Dañ nie keyn kezer noch falscher lere/
durch sein falsche vnd fürgenommen opinion/vnnd
lehre/so grossen reichtūb/pracht vnd hohen gewalt/
als der Papsst mit seiner beschornen rott/bekommen
hat. Du Christlicher leser/wöllest dises alles/auf
Christlichem eifer/dir zum besten beschehen/inn güt-
tem auffnemen/vnd in der warheyt biß ans end zu-
beharen/auch allen falsch/lügen/betrug vnd ver-
führung des Papsstums zuuerhüten/ Gott von her-
zen anruffen/Vnd das Christus seine arme Christ-
liche kirche/durch des Papsstes gewalt jämmerlichen
verwüestet/wider versamlen/auffrichten/vñ zu sei-
nem lob für allem irthumb vnd kezerien gnedig-
lich bewaren wölle. Gottes gnad sei allzeit mit
dir Christlicher leser/ Amen.

Die fürnembsten vñnd grössste Kezer.

Nat gelebt nach Christi geburt.

Simon Magnus

40.

Nicolaire.

90.

Edison

Ebion.	94
Basilides.	130
Carpocrates/Gnostick.	130
Valentinus.	146
Martion.	146
Tatianus. Encratitz.	175
Montanus. Cataphryges.	190
Novatus/ Cathari.	260
Apostolici.	
Manes/ Manichei.	266
Sabellius.	266
Arrins.	320
Macedonius.	344
Apollinaris. Catholici. Orthodoxi.	
Eunomiani.	377
Eucheta/ Psalliani/ oder Messaliani.	378
Donatiani. Donatistæ.	380
Priscillianus.	388
Jovinianus. Pelagius.	415
Mahometus.	620
Papatus.	696
Antichristus.	

Simon Magus/ Zauberer.

Simon Zauberer/ware der erst namhafte Keger
vnd eyn brunn aller Kegerciien/hat zur zeit der Apo-
stel Christi gelebt/Acto. 8. Welches Kegerci Menan-
der/Saturninus/vnd andere nach genolget haben. Eusebius
Ecc. hi-
sto. li. ij.
c. j. et xij
1 Diser Simon gab erstlich für/er were die grosse
Krafft Gottes/welchem auch die Römer eyn grosse
seul/ mit disem titel/ Simoni dem heyligen Gott/
zu ehren auffgerichtet haben,

So man disen Simon/Christlicher leser/ mit vñ
ler Römischen Bischoffen lere vñ leben vergleiche/
erfindet sich inn der warheyt das die Römischen
Bäpft/mit irem hofgesind/beinahe 900. jar/nicht
S. Simonis Petri/vil weniger Christi/sonder Si-
monis des Zauberers successoren vnd nachkommen
sind. Denn wie diser Simon eyn falscher Christ/sa
im grandt seines hertzen/eyn widerchrist gewesen/vñ
doch sich für eynen Gott verehren lassen. Also ha-
ben vil hundert jar / die Römischen Bäpft (wenig
ausgenommen) sich vber alles das Gott/oder Gots
tes dienst heysse/erhaben vnd sein wollen (Wie dises
zunor der heylig Apostel Paulus 2. Thess. 2. hat ge-
weissaget) Darzü ire nichtigen vnd eygennützigen
Decretalen vnd sayungen/Göttlichem Wort vnd
heyliger geschriffte gleich geachtet vnd gehalten ha-
ben wollen. Vnd ob wol vil Bäpft mit irer lehre/
nicht Christen/sonder das reich des Endchristen ge-
wesen/wollen sie doch das haupt der Christenheyt
gebalten sein. Es haben auch die Curtisanen vnd
Canonisten/des Bapsts Suppenlecker/die Bäpft
irdische gött sein/aufgeben. Andere haben für ge-
ben/der Bapst sei etwas auß Gott vnd mensch zu-
sammen geflicket. Solche Göttliche ehr haben die
Bäpft/als inen billich gebührende (wie Simon) an-
genommen/vñd angemasset. Es haben auch
die Bäpft aufgeben vnd gerühmet/Sie haben den
Engeln (wie Gott) im himmel zugebieten/ Das sie
der verstorbenen seelen/inn krafft ihres erdichten vnd
reuerischen ablasss/ von mund auff gen hymmel
führen/oder auß dem fegfeuer erlösen müssen/Wel-
ches ja

des ja sich mit Lucifer vnnnd Simone Gott gleich
machen ist/vnnnd götlich ehre vnnnd gewalt im zü-
schreiben.

2 Zum andern/Wolt diser Simon S. Petro vnd
Joanne den Aposteln Christi/ die gaben des heylig-
gen geysts/mit gelle abtkauffen/ Acto. 8. auff das er
die selbigen nachmals noch tewerer wider verkauf-
fen möcht. Wolt also Kremerci mit der gnad Christi
vnd dem heyligen geyst treiben.

Kaufft aber vnd verkaufft nicht der Bapst vnd
seine beschorne rott/die gaben des heyligen geysts/
nemlich alle Sacramenten / pfründen / vnnnd was
nur götlich vnd heylig genennet würt/bis auff di-
sen tag: Handelt vnd handtiert nicht die Römische
pfaffheyt / mit dem patrimonio Christi (wie sie es
nennen) mit der kirchen vnd armen gütern/ wie die
rossteuscher mit iren pferden: Die fugker vnnnd
kauffgesellschafften gehn schlaffen gegē disen pfrün-
den kremeren vnd Simonischen kauffleuten. Ihres
altvatters Simons practick/ finanz/ vnnnd Simon-
nei/das ist/geystlich diebstal/würt mehr vnnnd spitz-
fündiger vnter jnen practiciret/den es Simon Zan-
berer nie gewist noch geübet hat.

3 Diser Simon verachtet den heyligen ehestande/
hatte gemeynschafft mit cyner gemeynen huren/Si-
lene genant.

Wer lebt aber schentlicher vnd vnuerschampter
mit Silenen/das ist/mit huren (sa wol mit puzoro-
nen/da Man mit Man schand würcket) dann der
Bapst mit seinen Pfaffen vnd Monchen: wie am
tage ist. Gestattet auch vil ehr/das seine pfaffen hūz

ren haben/wider Gottes wort vnd gemeyne erbar-
keyt/ dann das sie nach Gottes befelch Ehe weiber
haben solten/ Wie dises Pauli iij. Vnd des Erzbis-
choffs zu Meng. Item des Bischoffs von Spier/
Bullen vnd schrifftten/im 1549. jar/die priester ehe
zu zerreißen/im truck außgangen/nach heutigs ta-
ges bezeugen.

Nicolaitæ.

Euseb.
eccl. hif.
lib. iij.
ca. xxix.

1 Nicolaitæ hielten ire weiber gemeyn/Sagten
auch Hurerei vnd Lebruch weren keynsünd/leben
also vnzüchtig vnd vnuerchampt vnter cynander.

Nach aber nicht der Papst mit allen seinen ver-
meynten geystlichen ire huren gemeyn? Spannen
nicht eyner dem andern die seine ab? Verachten sie
nicht den Testand? vnd verbieten den selbigen als
vntreyn aller pfaffheyt vñ klosterleuten/wider Gots
tes gebott vnd befelch? Wenn sie Lebruch vñnd hur-
erei sünd achteten/würden sie nicht so gar one alle
schew vnd scham in disen lastern vnd anderer vn-
flätigkeyt leben.

2 Die Nicolaitæ lieffen inen der Heyden gögen
opffer vnd gangen gögen dienst gefallen.

Nach nicht der Papst beinahe alle Heydenische
grewel vnd gögen dienst (vnter eynem andern na-
men vnd schein) wider inn die kirch eingeschleyffet?
Opffert man nicht im Papstumb den gögen vñnd
bildern/sew/genß/hüner/eyer/fisch/wein/vnd alles
das man gelebet? (Welches doch alles/Pfaffen/
Mönch vnd ire huren verpraßen) Vnd dises lassen
ime der Papst nicht alleyn gefallen/sondern gibe
auch gros gnad vnd ablas darzu. Gestattet nicht
der

der Bapst/ mit seinen beschornen/ vnd leret wider
Gottes wort/die abgestorben heylgen vnd ire bilder
anzuruffen/verehren/hülff vñ trost bei ihnen suchen?
Vnd hat also vil mehr götter vnd nothelffer gemas-
chet/dann die Heyden ye gehabt haben. Vnd dises
alles dahin gericht/die leut vñ jr gñt zubescheissen/
Aber sich vnd seine beschornen reich zumachen. Er
hat ja in gleißnerei vnd pracht mit kleydern/kirch-
enzierden/geschmuck/vnd verehrung d'bilder/liech-
tern/vñnd tausenterley dergleichen dingen/seinen
gotsdienst auffgericht vnd geübt. Nacher nicht an
Jupiters statt(welchen die Heyden für iren höch-
sten gott vnd nothelffer hielten vnd anrufften) vier-
zehn/ja one zal / nothelffer gesetzt. An Martia
vnd Mercuris(waren reuterisch vñd kriegs götter)
S.Georgen: An Neptuni/cyn got des meers/S. Ni-
colaum: An Minervæ/cyn göttin der weißheyt/S.
Catharinam: An Lucinæ/cyn göttin der geberen-
de weiber/S. Margaretham: An Junonis/Jupi-
ters hauffrawe vñnd höchste göttin/Mariam die
mutter Christi: An Esculapij/cyn gott der gesunde-
heyt/S. Rochum vnd Sebastianum: An Apollinis
statt/welcher dem künige Admeto des vihes hütet/
S. Wendelinum: An Nebuni/cyn gott des freirens/
S. Albanum: An Bachi/des vollen wein gottes/S.
Vribanum vnd Martinum gesetzt: Vnd wer kan
die heydnischen abgöttereien/so das Bapstumb mit
den lieben heyligen Gottes/wider jr eygen lehre vñ
leben/ja wider Gottes wort vnd ehre/Oder vil mehr
mit iren bildern/hat auffgericht/alle erzelen: Jeg-
liche krankheyt/Stat/Land/Dorff/winkel/straß

vnd Wegscheyde/ hat eynen besondern abgott ge-
habt/ vom Bapstumb bestetiget/ vnd mit ablas ge-
wirdiget/ also/ wo die alten Römer vnnnd Heyden
(die vber dreissig tausent götter gehabt/ wie Deno-
mans bezeuget/ disen des Bapstumbs herlichen gö-
tzen dienst sehen/ wie dann sie sagen/ Das Bapstum
hett weit/ weit/ alle Heydnische abgötterereyen vber-
troffen.

Ebion.

Eus. Ec-
cles. bñt.
lib. iij.
ca. xxvij.

Gal. ij.
et. ij.
Ephes. ij.
Coloss. ij.

1 Diser Ebion mit seinen Nazareern/ lereten/
man müste das Gesetz Mosi/ inn allen cusselichen
dingen/ Ceremonien/ beschneidung/ tagen/ speisen/
Eleydungen/ opffern/ vnd anderm/ steiff vnnnd vest
halten/ wöle man anders selig werden. Daher ver-
wurffen sie die Epistolen vnnnd schrifftten S. Pauli/
welche disem allem zugegen seind. Diser schreibt zu
allen Christen also: Lasset euch niemant gewissen
machen/ vber speise/ tranck/ bestimpten feiertagen/
newmonden oder Sabathen/ welches ist der schat-
ten von dem das zukünfftig war/ aber der Körper
selbs ist in Christo. Item/ So jr denn abgestorben
seit mit Christo den welesagügen/ was lasset jr euch
dann duncken als lebend jr noch inn der welt: 2c.
Vergebens ehret man mich (spricht Christus) mit
menschen lehren vnd gebotten: Matt. xv. Wer ge-
beut aber vnd verbeut mehr/ bei verdammnis der
seelen/ von speisse/ tranck/ feiertagen/ vnnnd vil ders-
gleichen dingen/ die Gott seinen glaubigen frei ge-
lassen hat/ nach regel der liebe/ zugebrauchen/ oder
zuunterlassen/ dann eben der Bapst vnd seine ge-
schworne geystlichen: Wer tringet ygunt mehr auff
Chorodē

Chorrock vnd Messkleydung/ bissher zur lesterung
Christi gebrauchet/ ja gemisssbrauche/ danneben der
Bapst/ vnd alle sein hofgesinde: als ob keyn predi-
ge noch Sacrament/ one diese abgöttische kleyder/
recht vnd gütere. Tringend nicht Bapst/ Pfaffen
vnd Mönch/ mehr auff solcher eusserlicher ding hal-
tung/ als notwendig vnd förderlich zur seligkeyt/
dann vff Christi gnugthuung vnd erlösung: Sind
nicht viler menschen gewissen/ mit disen mehr dann
Jüdischen Ceremonien vnd sayungen/ durch das
Bapstumb verstricket: Gebietet nicht der Bapst/
vorab seinen Closter leuten: Du solt das oder jenes
nicht angreifen: Du solt das oder jenes/ auff disen
oder ihenen tag nicht essen: Ist das nicht das Jü-
disch gesatz in Ceremonien gestellet (welches in Chri-
sto eyn ende genommen) wie die Ebioniten / wider
Christi/ vnd seiner Apostel lehre/ auff den hals tra-
gen vnnnd binden: vnnnd doch darnach mit Simone
gelt nemen/ vnd die gebottene oder verbottene ding
wider erlauben/ one sünd machen/ vnd den keuffern
frei lassen. Vnd in disem stück ist der Bapst eyn er-
gerer kenger dann Ebion/ dan diser nichts vmb gelt
nachgelassen hat.

2 Diser Ebion hatte auch eyn falsch meynung von
Christo/ Er wer nur mensch/ aber nit warer Gott/
wider alle prophetische vnd Apostolische schriften.

Was aber das Bapstumb von Christi Gottheyt
halt/ erscheinet in all seinen leren/ leben vñ werckē.
Er machet auß Christo nur eyn strengen Richter.
Vnd durch erdichte werck/ vorab der Pfaffen vnd
Mönch/ vertunckelt er/ ja trittet gar vnter die süsse

Christi gnugthuung vnd erlösung/ So doch außers
halb Gott keyn heylande/ vnnnd außershalb Christi
blutvergießung / keyn vergebung der sünden ist/
Vnd in disem die leut mehr auff menschen werck vnd
verdienst/ denn auff Christi gnugthuung vnd ver-
dienst/leret sehen vnd vertrauen. Dises aber alles
dariumb/das im sein kramschag der Lestermessen/
Ablass/ Wallfarten/ vnnnd Wöndcherei desto mehr
gelts eintrage.

Basilides.

Eusebius
Ec. hist.
li. 4. c. 8.

Basilides 1. leret vnd sagt: Christus were nicht
ans creuz gehenge worden/ Sonder an sein stat Si-
mon von Tyrenen/ hette also nicht warhafftig ge-
litten.

Disem zwar ist auch das Bapstumb nicht un-
gleich/ Denn was ist nicht glauben/ das Christus an
das creuz gehengt sei? Dann das durch sein leiden
vnd blutvergießen für aller der sünd/ die warhafft-
tig an in glauben/ nicht gnüg geschehen sei? Nun
sagen wol die Bapstischen mit Worten/ Christus sei
am creuz gestorben/ Sie verleugnen aber die krafft
des leidens/ vnd verdienstes Christi. Denn sie ja die
gnugthuung für die sünden/ nicht alleyn dem leiden
vnd verdienst Christi/ sondern iren Messen/ Vigi-
lien/ Wöndch vnd Pfaffen wercken/ Wallfarten/
ablass/ vnd andern erdichten vnnützen ceremonien
vnnnd gögen diensten zuschreiben / dadurch sie erst
für die sünd gnug thun. Oder ja Christus erlösung
inen vñ andern menschen verdienen/ eygen machen
vnd appliciren wollen. Ist nun die gerechtikeit
vnd verzeihung der sünden/ durch erst gemelte oder
andere

andere erteiche werck / so ist Christus vergebens gestorhen / Gal. 2. Vnd wie Basilides leret / nicht ans creutz für vnser sünde gehefft worden / noch gnug gehon. Zwar Pfaffen vnd Mönch sind rechte feinde des creuzes Christi / Philip. 3. das ist / verächter seiner gnugthuung / erlösung vnd verdiensts. Denn sie ye nur auff ire werck vnd verdienst / nicht Christi / weisen / sehen vnd hoffen.

2 S. Hieronymus heysset disen Basilidem cynen meyster der vnkeuschheyt vnd vnrcynigkeyt.

Ist aber der Papst mit seinen genanten geystlichen / Coelibat / vnd vnflätigen keuschheyt / nicht cyn erzmeyster aller Sodomci / Lebruchs / Hürerei / vñ vnkeuschheyt / damit leyder die gange welt / als mit eyner sündflut / vberschwemmet / besuddelt / vnd beinahe gar erseuffet ist :

Carpocrates. Gnostici.

Carpocrates / vñnd seine Jüngern / von wegen grosser verborgener kunst vñ sie sich rhümerten / Gnostici genant / Lyn scharffsinniger / aber vnkeuscher Fezger / Dann dise alle lebten vnuerschampt vnd vnzüchtig.

Eusebius
Ec. hist.
li. 4. c. 8.

Wer lebt aber vnuerschampter vnd vnzüchtiger / dann Pfaffen vnd Mönch im Papstumb? Es sind ja alle ire heuser nicht vil anders dann offene liche hürnheuser. Zwar die Päpstliche Gnostici vnd Canonisten / wie ire bücher bezeugen / stecken voll geschwinder künstlin / den cynfaltigen die augen zu blenden vnd vom weg der warheyt abzuführen. Des Papstumbs / vnd seiner vermeynten geystlichen / fiñanzen / betrug / tyränischen gewalt / Antichristliche

sagungen. Ja alles was der Bapstisch hof nur vn-
recher dencken oder thun mag/ zubeschönnen vñ ver-
thedingen. Es muß alles recht vnd gut sein was der
Bapst im schrein seines boshaftigen hertzens für-
nimpt vnd beschleuße.

2 Die Gnostici hatten auch gemalte vnd geschnitz-
te bilder/ Jesu/ Pauli/ Homeri/ Pythagoræ/ Plato-
nis/ Aristotelis/ vñnd anderer/ welche sie krönten/
reucherten vnd opfferten jnen/ vnd verehrten sie.

Ists aber nicht cyn besonderer Gottesdienst im
Bapstumb in allen Kirchen bilder habē? Sie zieren?
krönen? jnen reuchern? dabei singen vnd meslesen?
Wie vil gnadenreicher bilder haben pfaffen vñnd
mönch allenthalben auffgerichtet? Eyn lauff vñnd
walfart darzü angericht? Jhnen zu ehren/ Kirchen/
clausen vnd altarien gestiftet? Bapst vnd Bischöff
haben den verehern solcher bilder/ vñnd wallbrü-
dern groß gnad vnd ablas verheissen vnd gegeben.
Ja bilder inn Kirchen zu haben vnd zu verehren/ ha-
ben sie in etlichen Bapstischen Concilien/ wider das
klar/helle vnd außgetruckt wort Gottes beschlossen.
Darzü großmechtige vnd Gortseiffertige Keyser/ so
irem abgöttischen fürhaben widersprochen/ alles ge-
waltes vnd ehren (so vil in jnen war) entsetzet vñnd
verbanner. Nun sihe frommer Christ/ ob nicht der
Bapst/ mit seinem hofgesind/ cyn rechter Carpocra-
tes/ vnd Gnosticus sei?

Valentinus vnd Martion.

Valentinus vnd Martion /samt jren anhem-
ger n/

gern/habē selzam gauckelspiel vom leib Christi für
geben. Sagten/Christus habe cynen geystlichen vñ
gang subtilen leib gehabt/ vnd cyn hymlisch fleysch
mit sich vom hymel bracht/vnnd nicht auß der sub-
stanz des fleysches Maria/vom heyligen geyst em-
pfangen. Sonder nur durch sie / wie wasser durch
eyn rörlin/ gangen vnd geboren worden.

Zuf. Ec-
cles. hist.
lib. iiij.
ca. x. xi.

Zwar das Bapstumb vnd seine Sophisten treiben eben solche narrenheding/mit dem leib Christi beim Sacrament/ sagene/ der leib Christi sei so subtil/das er zu eymmal an vil tausent orten/leiblich im brot sei/vnd das/wie vil stücklin brots/oder hostien in der Wess/oder Sacrament heußlin seien/so vil vnd so an manchem ort sei auch der ware leib Christi leiplich vnd greifflich/werde auch mit mund vnd hand empfangen. Welches nichts anders ist/denn auß Christus leib (mit Valentino vnd Martione) cyn gespenst machen vnd gauckelspiel treiben. Denn Valentini vnd Martions treumen/nicht gleichmessigers möcht gesagt werden.

2 Valentinus verleugnet auch die aufferstehung der todeen. Was aber der Bapst vnd sein hofge-
sind von aufferstehung der todten halten vnd glauben/ist wol an diesem abzunemen / Das sie erst vor
kurzen jaren im Concilio zu Rom/das die Seel vn-
sterblich sei/beschlossen haben/ Was sollten sie dann
von aufferstehung des fleysches halten: Doch wissen
dieses stücklein am besten / die / die erwann an des
Bapsts/Cardinal vñ Bischoffen höfe/oder sonst in

Welschland cyn zeitelang auff schulen gewesen sein/
Auch erweisers zwar jr gangcs leben/handel vnnnd
wandel / das sie es mehr mit Epicuro / Valentino
vnd Martione halten/dann mit Christo vnd seinen
glaubigen.

Tatianus. Encratita.

Iuseb.
eccl. his.
lib. iij.
ca. xxvij
et xxx.

Tatianus cyn gelerter kenger / wie S. Hierony-
mus in Catalogo Eccl. Script. meldet/ sampt sei-
nen Encratiten/ Verachteten vnd verworffen die
Ehe/hielten sie gleich anderer hürerei zc.

Die Christlicher leser beschawe recht das Bap-
stumb / mit seiner lehre / sagungen/Wöñchen vnnnd
Pfaffen. Verachtet vnd verpörentet nicht der Bapst
die heylige Ehe/welche doch Gott selbs/der nicht vn-
rechtes heysst/eingesetzt vnd gestiftet hat/wie dises
in altem vnd newen Testament angezeyget vnd gele-
ret wirt. Dann im ersten buch Moses am 1. cap. stehe
also geschriben: Gott hat den menschen geschaffen/
cyn Man vnd Weib hat er sie geschaffen / segnet sie
vnd sprach/Wachset vnd mehret euch. Dises ist ye
zu allen menschen gesagt. Vnd am andern cap. hat
Gott selbs man vnd weib zusamen geben/ Wonun
die Ehe vnreyn vñ vnrecht were cynigem menschen/
würde es Gott nicht geordenet haben. Item im 5.
buch Moses am 23. cap. sagt Gott: Es soll keyn hüre
noch hürer vnter dem volck Gottes sein. Der Ehe-
stande schlesset niemandt auß der gemeyn Gottes.
Aber hüren vnd büben/ wie gemeynlich Pfaffen/
Wöñch/ vnd jr hofgefind ist/gehören nicht inn die
Kirch Christi. Item Matthe. 19. spricht Christus/ On
weib oder man sein ist nicht yedermans thun/vnnnd
Ean

Kan es auch nicht yederman fassen. Item 1. Corin. 7. spricht der außerswelt werckzeug S. Paulus: Hütere zuermeiden hab cyn yeglicher sein eygen Ehe weib/ vnd cyn yegliche seitt eygen man. Vnd redet S. Paulus zu allen Christen/Keynen außgeschlossen 1. Corin. 7. spricht/ Eyn yeglicher vnd yegliche/ welchen Gott die gaben der jungtfrawtschaft nicht gegeben hat/ wie diser sehr wenig in warheyt erfunden werden/ wie die erfahrung lehret. Item S. Paulus 1. Tim. 4. sagt/ das die/ so die E vnd speiß verbieten/ seien teußelische lehret. Item 1. Corin. 6. Gal. 5. vnnnd Ephes. 5. werden alle hürer vnd Ebrecher vom reich Gottes außgeschlossen. Item 1. Tim. 3. vnd Tit. 1. gepeut Paulus/ das die priester sollen ehelich haushalten. Jun Hebr. 13. spricht S. Paulus: Die Ehe ist ehrllich bei allen menschen/ vnnnd das ehelich bett vnbesfleckt/ Hürer aber vñ ebrecher wirt Gott richten. Disem aber allem zuwider/ leret/ gepeut vnd thut der Tatianisch Bapst/ mit seinen Encratiten/ das ist/ vnkeuschem geystlichem hauffen/ mit seinen verhürten Pfaffen vnd Mönchen/ wie dises der Bapst eygen Concilia vnd Decreta bezeugen.

2 Tatianus vnd seine Encratiten namen Keynen ehelichen man noch weib in ire gemeynschafft/ denn sie achteren solche alle vnreyn.

Also wollen ja Bapst/ Pfaffen/ Mönch/ Nonnen Keynen der eyn eheweib hat/ vnter inen/ als seinen rottgenossen/ leiden. Sobald eyner eyn eheweib/ oder eheman nimpt/ ist er von irer gesellschaft/ als eyn vnreynen außgeschlossen. Yedoch ist der Bapst mit seiner hürischen rotte weit weit Keyserischer dan

Tatianus. Denn ob eyn Bapstler schon zehen hüren
hette/ ja eyn offentlicher hürnwir ist (wie sie ges
meyniglich sind) so bleibt er doch inn irer gemeyns
schafft/ ja inn grossen ehren vnd wurden/ Vnd heysse
eyn obediens/ Catholisch (ja wol Katolisch) vnd
(wer es glauben will) apostolisch mann/ Welches
doch Tatianus seinen rottgenossen nicht gestatter
hett. So aber eyn Pfaff/ Mönch oder Nonna/ sich
nach Gottes befelch der hürerei eussert/ vnd inn che
stande trittet/ mus er bald landrümig werden / o
der brennen/ oder den Rhein auffsauffen.

Dieses heysse die Ehe nicht verbieten/ verachten/
vnd lehren des teuffels anhangen :

3 Die Tatianer verbotten auch iren rottgenossen/
fleysch zuessen vnd wein zutrinken zc.

Das aber der Bapst mit verbott fleysch zuessen
die gewissen wider Gottes wort verstrickt vnd bes
schweret habe/ vnd noch/ weys meniglich/ vnd vol
get inn disem stück erewlich seinem lehymeyster Ta
tiano/ ja dem Teuffel. 1. Tim. 4. Vedoch schmacket
dem Bapst vnd seinen rottgenossen güter wein wol.
Darumb lassen sie dises stück Tatianischer lehre den
Türcken/ welche keynen wein trincken. Inn son
der heyt aber sind die Benedictiner vnd Cartheuser
Mönch des Bapsts allerheyligste Söne/ ware Ta
tianer/ welche ehr ire rottgenossen sterbē/ oß schant
lichers thun liessen/ dann fleysch essen.

Montanus. Cataphryges.

Montanus eyn Stoltzer Keger/ mit seinen Cata
phrygen gab für (wie S. Hieronymus ad Marcel
lam schreibe) der tröster der heylig Geyst/ were am
Pffingstag

Pfingstag nicht vber die Aposteln/sondern endlich
auff in kommen.

Eusebius
Ecl. hi
sto. li. v.
cap. xv.
bis. xix.

Diesem Ketzer Montano ist der Bapst/ mit sei-
ner vermeynten geystlichen roet/gar inn sein Ketz-
rei gefallen/vnd solche mit gewalt zu sich gerissen.
Denn der Bapst sagt: Der heylig geyst hab die Apo-
stolen Christi nicht alle ding zur seligkelt notwen-
dig/inn der heyligen Prophetischen vnnnd Apostoli-
schen geschriffte gelehret/nach inn alle warheyt gesü-
ret/Sondern viel notwendiger ding/erst leglichen/
durch die schöne Maximilla/die Römische Kirch/
das ist/Bapst/Pfaffen vnnnd Mönchen offenbaret
vnnnd angerichtet.

2 Zum andern sagt Montanus/ Der heylig geyst
hette im vnd seiner Maximilla verstande vnd ge-
walt gegeben/ die heylige schriffte aufzulegen vnnnd
zudeuten.

Also hat auch der Bapst vnd seine Maximilla
erst newlich im Concilio malignantium zu Triene
anno 1546. Sessione 3. beschlossen/vnnnd bei verlust
der seligkelt zuglauben gebotten/ Das yederman
aller Concilien (die doch vilfeltig wider cynander/
vnd wider Gottes Wort sind) vnd Bapst statuten/
sazungen/gewonheyten 2c. dem heyligen Euanges-
lio gleich halten vnd achten solle. Hiemit zeyget ja
der Bapst vnnnd sein Concilium an/ Das Er/ seine
Mönch vnd Pfaffen/alleyn den heyligen geyst vnd
gewalt haben/die heylige gschriffte ires gefallens zu-
meystern vnd zudeuten. Denn on den h. geyst keyne
ware auflegung heyliger gschriffte beschehen kan.

3 Montanus sagt/er hab grössere vnd bessere

ding herfür bracht vnd geleret/ dann Christus vnd
seine Apostolen gethon haben.

Nat aber dises nicht lange zeit der Bapst gethon
vnd thut es noch heuttigs tages. Denn wann schon
Christus ja sagt/ als im heyligen Abenmal: Nemet
hin vnnnd trincket alle (alle) drauß/ So spricht der
Bapst mit seiner Maximilla; Neyn/ Nicht trincket
alle drauß/ Es gehöret den leyen nicht zü. Vnd weiß
S. Paulus auß dem heyligen geyst sagt: Eyn Pries-
ter soll eynes weibs man sein. So spricht der Bapst
Neyn/ Er sol keyn eheweib haben/ Aber cyn Maxi-
milla vnd Priscilla/ das ist/ hüren so vil nen gelüft/
mager haben/ wie Montanus. Item/ Wenn S.
Paulus lehret Roma. 3. vnd Ephes. 2. Auß gnaden
seit jr selig worden/ durch den glauben an Christum/
vnnnd dasselbige nicht auß euch/ es ist Gottes gabe.
Nicht auß den wercken/ das sich nicht yemants rüh-
me. Item Roma. 3. Wir haltens dafür/ das der
mensch gerecht werde one des gesetzes werck/ Gra-
tis/ one verdienst/ auß seiner gnad/ durch die erlö-
sung so durch Iesum Christū beschehen ist/ welchen
Gott hat für gestellt zü cynem gnaden stul/ oder ver-
sünung/ durch den glauben in seinem blüt. Vnd Ga-
lat. 2. Der mensch wirt nie durch des gesetzes werck
gerecht/ Nisi per fidem/ Sonder alleyn durch den
glauben an Christum Iesum. So spricht der Bapst
mit seiner Maximilla/ im Concilio zü Trient/ Sess-
sione vi. auß eingebung des Montanischen paracles-
ti. So yemant sagt/ das alleyn der glaub on andere
werck/ den gotlosen gerecht mache/ der sei verflucht
zc. Item/ wenn der heylig geyst durch S. Peter vnd
Paulum

Paulum redet vnd gepenitet: Yederman sei vnters
chan der Oberkeyt vnd gewalt. Es sei dem Künige
als dem Obersten etc. Item Christus selbst lehret/
Die fürsten der Heyden herschen vber sie etc. Ihr aber
nicht also. So deutet solchs der Bapst/ mit seiner
Maximilla (wie S. Petrus 2. Pet. 2. hat geweißt)
get/Sie werden die herrschaffen verachten/vnd er-
zittern nicht die maiesteten zulestern) spricht/ Wie
nichten/Sonder Keyser/Künige/vnnd alle Ober-
keyt/soll mir vnterchan sein/Wir dienen/Ja auch
die füß küssen/vnd keynen danck dazu haben/Wir
haben maacht sie zusetzen vnd ensetzen vnsers gefal-
lens/Sie sollen mich vnd meine geschmirten vnd be-
schornen in keynen weg betrüben noch beleydigen/
vnd ob sie wol mordt vnd jamer stiften/sie doch gar
nicht anrühren noch straffen/ denn sie sind Teuffels
frei. Vnd also fort an/Was Gott gepeut/ordnet vñ
machet/das zerzeisset der Bapst/ Vnnd was Chri-
stus verpenteet/das erlaube er/Auff das er ja der
recht Endchrist/warhafftig erfunden werde. Vnd
also will der Bapst wie Montanus/inn allen deut-
tungen/ auflegungen/ Statuten vnd sagungen/ ja
besser/weiser/gelertter sein/ dann Christus die ewige
weißheyt des vatters selbst/der heylige geyst vnd sei-
ne Apostolen. Item der Bapst gibt vnuerschampe
für/mit vnwarheyt/ Die heylige schrift lehre nicht
alles/den menschen nor zu wissen zur seligkeyt/ Die
Aposteln/spricht er/ vnd seine Sophisten/haben vil
anders gelehret dann geschriben/Vil sagungen ge-
leret vñ gehalten/die durch sie nicht beschriben sind/
aber nachmals durch den Montanischen paracles

tum/das ist/durch den Teuffel/dem Bapst vnd sei-
ner Maximilla offenbaret vñ von den Bapsten be-
schrieben/welche dem Euangelio selbs/vnnd allen
schriefften der Apostolen/gleich zuhalten/la fürzuse-
zen seien/Welches sagen/eyn schmach vñ lesterung
Gottes/Christi vnd des heyligen geystes ist.

4 Montanus war gegen den reuwendenden vnd blä-
senden sündern gangraw vnd hart/so er doch selbs
mit seiner falschen warsagerin Maximilla/vnzüch-
tig vnd vnflätig lebet.

Wie freundlich aber vnd tröstlich der Bapstlich
paracletus sich gegen den armen reuwendenden sün-
dern gehalten/ist meniglich/die erwan den Pfaffen
in die ohren gebeichtet/wol bewüßt/was trosts sie do
empfangen/wie man die armen gewissen/mit mens-
chen fündlin/eygner gnügthung vnd auffgelegtem
büßen gemartert hat/Christi aber vnd seiner gnüg-
thuung vnd erlösung/ward mit eynem wort nicht
gedacht/Wo man nicht mit gekrümppter vnd gefül-
leter handte kame/ward man scheel vber cyn seiten
angesehen/aber wenig getröst. Schwere vnnd vn-
erregliche bürgen legt man den armen auff den hals/
Die reichen aber/dweil sie wol schmietten/führen sie
desto senffter. So doch miter zeit/der Montanisch
Bapst/mit seinen geachten geystlichen/in simonei/
sacrilegijs/geystlichem raub vnd diebstal/Sodom-
itischen sünden/vnd allem fleyischlichem wollust/
ehebruch/hürerei/mit morden vnd würgen der ar-
men Christen/lebend/vñ also vberschüttet sein/Das
sie bald/on rew vnd besserung/mit Sodoma vñ So-
morha/Chore/Dathan/vnd Simone mago/jrem
ergvatter

ergvatter/inn abgrunde der hellen versinken/vnd
samt allen ketzern ewig brennen müssen.

Monatus. Cathari.

Monatus vnd seine Cathari/ oder Monatianer/ Euseb. Ge-
des. hist.
lib. vi.
ca. xxvij
ob sie wol neben iren andern ketzereien den alten kir-
chen ceremonien von hertzen feind waren/ ydoch na-
men sie sich derselbigen ernstlich an/ auff das sie platz
in der gemeyn behielten/ vñ trieben also damit heu- Triplicar.
lib. viij.
cap. ix.
chelwerck vnd gleisnerei.

Zwar der Papsst mit seinen vnreynen Catharis
pfaffen vñ mōnchen/ halten auch gang hart/ nicht
ob den alten Christlichen ceremonien (welche sie doch
entweder gar besudelt/ oder vnter die füß getreten)
sond vil mehr ob den newen/ eygennützigen/ vñ von
inen erdichten ceremonien/ ja abgöttereien/ die sie
doch catholisch nennen. Nicht das inen so hoch an den
ceremonien gelegen/ sond vil mer an der presenz/ dz
ist am eygen nutz vnd einkōmen/ den sie von solchen
erdichten wercken haben vnd schöpffen.

Denn wo diser genieß auffhöret/ würden sie sich
nicht mehr so ernstlich vmb die narrenkappen zer-
ren. Darauf meniglich leichtlich abnehmen kan/
wie hoch inen die Ceremonien angelegenn. Es ist
zwar wedder yhrertz noch müte bei yhren Ceres-
monien/ sondern eittel heuchelei vñnd grempel-
werck/ deren sie selbst offtmals lachenn. Vedoch
thut yhnen das gefress wol/ derhalbenn lassen sie es
ymmer hin gehen.

Wenn aber yemants widder dises jr heuchel vnd
vnnütz werck/ dadurch die kirche nichts gebessert
wurde/ redet/ So geht es/ wie es S. Paulo zu Phis

lipps ergieng/Act. 16. da er den eygennütigen tenfel außtreibe/Denn schreien sie/ Diese menschen machen die leute ir/verkündigen cyn weise/welche uns nicht gezimmet anzunehmen / noch zuehmen/weil wir Römisch sind 20. Dann schlaget/kerckert/würget/berüchtiget vnd beleuget man die waren prediger des Euangelij vnd warheyt / gibe für mit vnwarheyt/sie predigen cynen neuen glauben/dieweil sie sagen/ Wann verehre vnd diene Gott vergeblich/mit solchen erdichten vnbeserlichen vnnnd nichtwerten Ceremonien/Matth. 15.

2 Wenn schon Nouatus vnd seine Cathari/gröblich gesündiget hatten/ wolten sie doch von niemant gestraffet sein/denn sie gaben für sie weren Cathari/das ist/reyn vnd on sünd.

Also ob wol der Papst/mit allen seinen fleisch geystlichen/ inn allen sünden vnnnd lastern leigen/ morde vnd iamer stifften/alles vnglück inn der welt anrichten/wissenelich vnnnd gröblich vnrecht thun/widder Gott vnd menschen handeln/wollen sie doch vngestraffet/vnreformiret/sondern absoluiret vnd reyn sein. Denn der Papst sampt seiner pfaffheyt/sigen (wie ire heuchler Canonisten/Juristen/ vnnnd Sophisten dichten) inn cynem so hohen stuel vnnnd würdigheyt/Das sie aller menschen thun vnd lassen/maacht haben zurechten vnd straffen/niemande aber darff sie verhehlen noch straffen/wie David von jnen im xij. Psalm weissaget vnd singet/ Wir haben rechte vnd maachte alleyn/was wir setzen das gilt gemeyn/ wer ist der uns solt meystern?

Apos

Apostolici.

Apostolici (wie S. Augustinus de haeresib. schreibt) waren stolze Ketzger/die sich/als ob sie alleyn die rechten vnd waren nachfolger der Apostolen Christi weren/also nenneten.

Will aber nicht der Bapst mit seinem stinckenden stuel/alley Apostolisch heysen vnd gehalten sein/ So er doch der heyligen Apostolen lehre (wie zum teyl oben gehöret) richtig zuwiderd leret vnd lebet.

2 Diese Apostolici/sonderten auß irer gemeynschafft/alle Eheleut/vnd die eygen güter behielten.

Der Bapst mit seinen vermeynten apostolischen/nemen auch niemant in iren Pfaffen vnnnd Wöndch stande/dann die so ewig auß dem Göttlichen vnnnd Ehelichem orden dem Ehestande/in aller vnkeusch beyt vnd Sodomci bleiben wollen.

Zum dritten/sagen dise Apostolici/das alle/die Eheleich weren oder eygens besessen/möchten nicht selig werden.

Also nemen die Wöndch/des Römischen Apostolischen stuels aller liebste Söne/niemant inn ire von Gott vngeordneten orden/er verlasse dann alle sein eygenthumb/Doch das ers niemant anders dan seinen kloster genossen vbergebe/Welche auch fürstliche güter besitzen/vnd mit fürstlichem pracht vnd Titeln wollen verehret sein. Sie achten vnd halten auch alle Eheleut/in cynem vnheyligen vnd sorglichem stand sein/darinn man schwerlich möge selig werden/man erkauffe dann von inen/den Pfaffen vnd Wöndchen/ire güte werck Supererogationis/

vnd andere/welcher sie/als fürtreffliche heilige leut/
nicht bedürffen/ aber andern hie mit/doch vmb das
gelt/ von sünden mögen helfen. So doch die waren
Apostolen Christi selbs cheleut/in irem ampt vnd be-
ruff blieben sein/ eygenthumb gehabt/ vnd weder
sich noch andere leut/ eygen menschen verdiensts o-
der werck (on das Christus der Sohn Gottes durch
sein leiden vnd aufferstehung / für alle seine gleubig-
en gethon/auß gnaden supererogiret/vñ vns reich-
lich mitgeteylet hat) sich zuuererösten geleret haben.

Manes vnd Manichei.

Eusebi-
Eccl. hi-
sto. li. viij.
ca. xxvij.

Manes / von welchem die Keyzer Manichei iren
namen haben/gab für/ Der heylig geyst von Christo
seinen Apostolen verheysen/were erst nach vilen ja-
ren auff in kommen/vnd im die rechte lere offenba-
ret/ Vnnd damit er cyn ansehens hatte/ sagt er/ Er
were cyn rechter warer Apostel / von Christo selbs
gesandt.

Nun wolan lieber Christ/beschaw hie recht das
Bapstumb/vnnd erwege wie es vber die sibenhun-
dert jar darinnen ergangen vnd gestanden/so wirstu
warhafftig sehen/das der Bapst cyn warer Ma-
nichens ist/ ja den Manes vnd Manicheer/ in allen
stücken irer Keyzeri weit vbertrifft. Sage nicht der
Bapst/ Er vnd seine rottgenossen/haben erst rechte
den heyligen geyst empfangen: Denn sie ja niemants
von Gottes wort zureden außzulegen vnnd zuner-
stehn gestatten wollen/on im vnd seinen rottgenos-
sen: Dieses aber kan warhafftig vnd rechtgeschaf-
fen/ one den Keyligen geyst nicht bestehen. Daraus
volget/

folget/das der heylig geyst nur auff in/den Papst/
seine Pfaffen vnd Mönch / lediglich alleyn kommen
were/vnd yhm zu eym außbunde vber alle Aposto-
len Christi erwelet vnd gesandt hette/ vnd die rechte
lehre zur seligkeyt yhm eröffnet. So doch Chris-
tus zu seinen Apostolen spricht: Der heylig geyst
wird Euch (meine Apostolen) alles/ alles/ lehren/
was ich euch gesagt hab/ vnd wird euch lehren alle
warheyte.

Die Apostolen Christi/haben auch nichts/nützlich
vnd not zur seligkeyt/verhalten/Actorum xv. So
hat auch der heylig geyst/ alles zur seligkeyt dienst-
lich zu wissen/inn der heyligen Prophetischen vnd
Apostolischen geschrieffte eröffnet/2. Tim.3.

Der Papst aber vnd seine Sophisten/ sagen
Neyn darzu/ Sondern der heylige geyst (sprechen
sie) habe der Kirchen/das ist/ Pfaffen vnd Mönchen
nachmals vil diug/zur seligkeyt nüt vnd not/offen-
baret/vnd anzustellen befolhen. Welches doch
nichts anders ist / dann Christum selbst / vnd Gott
den heyligen geyst / inn seinen lieben Apostolen lü-
gen straffen/vnd zu schulsüren/Welches eyn schwe-
re vnd grosse Gotslesterung ist.

Zum andern/ Manes erwelet im zwölff Apo-
stolen/vnd zwen vnd siebenzig Jünger/wie Chris-
tus/ wolt also mit seiner lehre vnd wandel Christo
gleich geachtet sein.

Also will der Papst nicht alleyn eyn apostel Chri-
sti/ wie Manes / sondern Christus vnd Gott selbs
sein/der nicht alleyn apostolischen gewalt/ sondern

allen gewale in himel vnd vfferden/vnd vnter der erden im fegfew: hab. Auch hat im der Bapst/nach Manicheischer art/zwölff apostolen/das ist/zwölff Cardinal (wiewol irer nun seer vil worden sein) als stützen vnd seulen seiner kirchen vnd reichs erwelet/die seine legaten vnd rathgeben seien. Durch welche er auch/Keyser/Könige/Fürsten/Herren vnd yederman bethöret/verwirret/verkeret/vnd gar von Gott abfüret. So hat auch der Bapst/seine Bischoffe/Pfaffen vnd Mönch/an statt der lxxij. jünger/welche seinen/aber nicht Christi/nach seiner Apostolen befelch/getrewlich aufrichten.

3 Diser Manes oder Manicheus/brachte her für eyne newe lehre/die nennet er epistolam fund amenti/das ist/eyne starcke grundfeste lehre. Wider welche S. Augustinus nachmals vil geschriben hat. Dieser epistel wolt Manicheus nicht weniger geglaubt haben/denn dem heyligen Euangelio selbs/rühmet sie bei yderman/bildet sie ein seinen rottgenossen/als das ware vnd rechte Euangelion.

Haben nicht die Bapst erst leglich vil Decreta vnd Decretales Epistolas/Statuten/Satzungen/gepreuch/Sitten vnd falsche gottes dienst/neben/sa wider Christi vnd seiner Apostolen lehre/auch jnen selbs richtig zuwider/erdicht/geordnet/vñ als notwendig zur seligkeyt/angestellet. Welche er nicht weniger dann die heylige gschriffte vnd lehre Christi (so lang sie zu seinem prache vnd bauch dienstlich sind) wil geachtet vnd gehalten haben. Legt also/wider die lehre S. Pauli/cynen andern grundt der seligkeyt/dann durch die Apostel Christi gelegt ist/welcher ist

der ist Christus Jesus. Diese yetz gesagte ding er-
weiset das iii. Decret/ des Trientischen Concilij/ im
jar 1546. gehalten/do des Papsis apostolen vnn
jünger ernstli. beschliessen/ vnd als Gottes gebott
wöllen gehalten haben/ nemlich/ Das yederman/
alle traditiones der Bapst/ seiner vätter vnd mäs-
ter/bis anher in der Kirchen erdicht/zum geltloben
auffgericht/geübet vnd erhalten/pari pietatis affe-
ctu(also redet das Concilium)et reuerentia/das ist/
mit gleichem glauben(wie das Euangelion) anes-
men/verchren vnd halten solle. So doch Christus
die seinen verwarret/spricht: Hütend euch für der
phariseer sawer teyg. Vñ: Vergebens chren sie mich
mit menschen lehren vnd gebotten. Vdoch bleibt es
auch nicht bei disem(das doch Gotte sterlich ist)son-
der man muß der Bapst Decreta/Statuten vnd sa-
gungen/der lehre Christi/vnd seiner Apostolen/ be-
uor/haben vnn halten/ oder sterben(welches doch
der Türck/eyn feinde Christlichen namens/nicht zwin-
get) Vnd dises bezeuget viler fromen Christen blüt
in kurz verschinen jaren/vorab inn Teutschen lan-
den/ durch Bapst vnn ire verwanten potentaten
vnd Bischoffen/vergossen.

Zum vierden/ Diser Manes verbott fleisch zu
essen/vnd verachtet den heyligen Estande/ als vñ-
reyn/ vnn von Gott nicht geordnet. Wo aber seine
rortgenossen Ehe weiber hetten/ solten sie doch mit
fleiß verhüten/das keyn Kinder von inen empfan-
gen noch geben werden.

Das aber die Bapst/fleisch zuessen/die Ehe ver-
botten vnd verachtet/ist meniglich bewiße/vnd oben

bei Tatiano angezeygt. Wo aber Bapst/ Pfaffen/ Mönch vnd Nonnen/ ye nicht gar keusch/ vnd one männer vnd weiber/ das ist/ one hüren vnd hüben leben möchten. So solten sie doch (sinon caste/ tamen caute) allen fleiß ankeren/ das ja nicht kinder von jnen geboren werden/ oder dem kind zuvor cyn andern vatter verschaffen/ oder die geschwechre verschicken/ oder das kindlin zu cynem martyrer machen/ oder frau Sanina (Sebenbaum) zur hebammen beruffen. Vdoch felet jnen offte dise kunst/ Der halben das ja der Bapst mit seinen Manicheischen pfaffen/ nicht zum hürer oder Lebrecher/ oder sunst zu handen gesetzet werde/ sonder keusch leben/ behelffen sie sich mit jren Sodom.ischen puzoronen/ Pfah dich du König Sodom e.

Sabellius.

Sabellius (wie Cael. 5. Curio schreibt) rühmet sich Er wer Moses/ welcher cyn Oberster vber Gottes volck gesetzt war/ vnd Aaron von Gott cyn hoher priester der hütten vnd Gottes dienst/ von Gott gebotten/ verordnet/ vermeynet nun hiemit/ nit alleyn cyn höchster bischoff/ wie Aaron/ vber alle andere priester/ sondern auch cyn welt oberster/ wie Moses/ vnd gesetz geber vber meniglich zu sein.

Also hat der Bapst mit gleisneret vnd list/ beyd g. ystlichen vnd weltlichen gewalt vnd regiment zu sich geruffen. Er will ja Pontifex Maximus/ der oberst Bischoff vnter den Christen sein. Vnd ob er sich schon Sernus seruorum Dei schreibt/ vnd auch
sein

sein solt/ So gilt doch hie die alt grammatica nicht
mehr/ sondern Noua/ vnd heysst/ Seruus seruorum
Dei (Eyn Knecht der Knecht Gottes) bei dem Papst
so vil/ Ich bin eyn herr vber alle herren. Was ich ge-
biere/ müssen nicht alleyn Bischöff vnd pfaffen/ son-
dern alle Keyser/ Könige/ Fürsten vnd herren hal-
ten/ vnd als meine Leutenampt vnd Vasellen/ mir
mit eyden verpflicht/ bei dem Bann/ oder entsetzung
ihrer ehren vnd gualts/ volnstrecken vnd getrewlich
aufrichten/ vff das was nicht dz geystlich schwerde
kan erstechen/ das muß das weltlich mit der faust/
nach Türckischer weise/ würgen vnd zerhacken/ auff
das ja der Papst eyn recht chekindt des Ketzers Sa-
bellij erfunden vnd erkennet werde.

Arius vnd Macedonius.

Dieser Keger sampt vilen andern/ neben irer fal-
schen lehre von der gortheyt Christi vnnnd des heylig-
en geystes/ haben nicht alleyn die leut mit worten
vnnnd lehren verführet / sondern auch mit der faust/
durch rath vnd hülff Keyser Constantij vnd ande-
rer Oberkeyten/ yderman irer lehre zuglauben vnd
anzuhängen vnterstanden zubezwingen / Die wis-
derstrebende ins ellend versaget/ Vhzer güter berau-
bet/ vnd auff allerley weise gepeiniget vnd erwür-
get/ Also/ das (wie die historien/ vorab Tripartita/
bezeugen) nicht weniger frommer Christen / durch
die yetzt ernentte Keger vnnnd iren anhangt / sind ge-
martert vnd getödtet worden/ dan vormals durch
etliche grosse tyrannen ye beschehen.

Eccl. hi
flo. li. r.
cap. i. rs.
xiij. xrv.
Tripar.
li. j. c. xij.
xiij. xiiij.
Jteli. 4.
c. s. xvij.
xxij. xxx.
xxxviij.
xxxix.
Jteli. v.
c. xxx. xc

Nun sihe recht ins Bapstumb frommer Christ/
Der Bapst vnd sein hauff/erregt wol im mund Chri-
stum/vnd den heyligen geyst/als eynen waren ewi-
gen Gott mit dem vatter/Der herten Kündiger aber
vnd richter dises ist Christus. Sihe du stoff g auff
den handel/wesen vnnnd thun des Bapst vnd seiner
rottgenossen/so wirstu ja in der that erfinden/das
er von wegen seiner falschen lehren vnnnd vnchristli-
chen sagungen/sie zuerhalten/alles erregt/das inn
der gangen wele mechtig ist/tobet/würet/würget/
brennet/henget/ertrencket alle die nur widder seine
Decreta vnnnd fürhaben mauffzen. Wie viel Kriege
vnd blutvergießen haben die Bapst in den nechsten
achthundert jaren/durch Keyser/Künige vnd an-
dere Fürsten/wie no. h heutigis tags/erregt/auff dz
sie bei irem sawertheyg vnd phariseischen falschen le-
ren vnnnd gewalt bleiben mögen. Wer hat inn den
nechst fünffzig jaren grösser jamer vnd hertenleyd/
mit brennen/morden vnd schenden angerichtet/dan
Julius II. Leo X. Clemens VII. vnd fürnemlich
in Teutschen landen. Bapst Paulus III. wie dises
seine eygen bullen vñ schrifftten erweisen. Warumb?
Das Gottes wort/vnd die warheyt des Euangelij
gedempffet/Er vnd seiner rott/bei irer falschen lere/
pracht/reichthumb/Sardanopalischem leben/vnnnd
andern teufelischen gewonheyten/bleiben mögen/
vnd ja keyn Reformation/gegen dem ehelosen/got-
losen/vnd teufelischen lehren vnd leben/des Bapsts
vnd seiner pfaffheyt/für genommen werde.

Zum andern/Welche des Arrij vnd Macedonij
lehre/verthädigten vnnnd schützeten/die machten sie
herzlich

herlich/reich vnd groß/ Die aber drob starben vnd
erwürgt wurden/ schertzten sie selig/vnnd schrieben
sie in die zal der heyligen martyr.

Zwar vil Bapst haben offemals/ nemlich wider
die Hussiten grosse gnad vnd ablas/ vergabung der
sünden vnd das ewig leben versprochen vnd zuge-
get/ allen die für die Römische Kirchen vnnd lehre/
streitten/ würgen/brennen vnd schenden alles was
ihrer lehre vnd thun zuwider ist. Wie inn sonderheyt
Paulus III. im jar 1546. gethon hat/ wie seine
bullen bezeugen. Vnd also in solchem krieg für den
Bapst vnd seine psaffen streiten vnd vmbkommen/
werden vñ im als heylige leut (als Benno zu Weis-
sen vnd andere) Canonisiret vnd in die zal der seli-
gen geschriben. Das also der Bapst mit der that
vnd handelung/sich nicht alleyn Arzio/Macedonto
vnd ires gleichen tyrannischen Ketzern/vergleichet/
sondern weit vbertrifft/ vnd das war haupt im Ke-
zerthumb ist/ der die heyligen Gottes/ nicht alleyn
zu würgen/sonder auch gar außzureuten fürhat vñ
treibet.

Apollinaris.

Apollinaris/sampt oberzeleren Ketzern/in dem
sie Christum/nicht waren Gott sein lehren/ringer-
ten sie vnd machten gang vnd gar zu nicht/die ma-
iestet/ehre/verdienst vnd erlösung Christi/vnd das
geheymnus vnser seligkeit. Denn wo Christus nicht
warer Gott/so were er auch keyn warer vnnd ewi-
ger erlöser noch seligmacher seiner gleybigen. Denn
on mich (spricht Gott Esaia. 43.) ist keyn heylande
noch erlöser.

Esseb.
eccl. hif.
li xi. c. 22
Tripar.
li. v. cap.
xliij. vñ
lib. ix.
cap. iij.

Der Pappst aber vnd seine rottgenossen / schreien
yhren vnnnd andern menschen wercken / vnnnd
verdienen zu / gnügthuung für die sünde. Sie se-
gen ja yhren ablas / Mess / Wallfarten / fasten / fei-
ern / vnd dergleichen one zaal / von jnen selbs erdich-
ten wercke / an statt des leidens / verdiensts vnd erlö-
sung Christi / Seelen also mit der that (ob sie wol mit
worten anders fürgeben) Christo seine ehre / maies-
ter vnd Gottheit / vernichten seine erlösung / oder
achten sie ja nicht gnugsam für der welt sünde. Wie
das sechste Decret / des Trientischen Concilij gnug-
sam erweise / wollen also nicht gestatten zu lehren /
das Christus für alle sünd gnüg gethon habe / Son-
dern die menschen müssen / vorab für die wirkliche
vnd thatliche sünden / durch yhre eygen / oder ande-
rer menschen werck gnüg thun. Welches sagen / ja
nicht anders ist / dann Christum mit Arrio vnd an-
dern Ketzern / Kleyner vnd von natur geringer ach-
ten dan den vatter / vñ nicht für den waren Gott vñ
vollkommenen erlöser halten. Ja der Pappst vnd
seine falschen geystlichen / machenn sich Gott gleich /
vnnnd setzen sich vber Christum / Denn sie ye wollen
aufrichten / nemlich für die sünden / mit yhren wer-
cken gnüg thun / vnd vns erlösen / Welches nach jrer
lehre / Christus nicht vollkommen gethon hat.

Catholici vnd Orthodoxi.

Die Arrianer / Macedonier / vnd ire verwand-
ten (wiewol sie arge Ketzere waren) wolten sie doch /
wie

Wie Coel. S. Curio meldet / für allen andern Chris-
sten / Catholici vñnd Orthodoxi / das ist / der auß-
bünde / die rechten waren Christen / geachtet vñnd
gehalten seint / so sie doch nicht wenigere / ja lesserer
Christi waren. Andere rechtglaubigen aber / die
ihrer yrrthumen nicht wolten glauben / noch an-
nehmen / nenneten sie mit menschen namen / als / Acha-
nasianer / von dem frommen gotseligen lehrer Acha-
nasio. Item Ambrosianer vñnd der gleichen.

Dieses thut eben auch der Bapst vñnd sein hauff /
Schreiben vñnd nennen sich heutigis tags / alleyn Ca-
tholicos / vñnd Orthodoxos / die rechten alten glau-
bigen / so sie doch newglaubige / vñnd Kätolyci / ec-
clesia malignantium / mit warheyt mögen genen-
net werden vñnd vberzeuget sein. Alle andere aber /
die ihre Sophistischen lehren / vñnd newliche erdichte
gottes dienst / nicht annemen noch glauben wollen /
heissen sie Hussiten / Lutherisch / Zwinglisch / vñnd
der gleichen. Sagen auch wol / aber mit vnwar-
heyt (wie die gottlosen Juden vñnd Heyden Sance
Paulo / Silæ vñnd Timotheo / Actorum am sechzes-
henden vñnd am siebenzehenden capitel / vñnd auch
die Arrianer thetten) Die Protestirenden vñnd Lu-
therischen (wie sie es nennen) seien Ketzer vñnd auff-
rührer / So doch der Bapst vñnd seine beschorne rott /
die grösssten Ketzer vñnd auffrührer mit warheyt mö-
gen genennet vñnd erwisen werden / vñnd auch sind.
Wie dieses neben andern Bapst Pauli des dritten
paterum cōsiliū / das ist / Treuer vñ vätterlicher
rath im 15 4 6. Vñnd darnach Paterna admonitio /

väterliche warnung / im jar tausent fünffhundere
vnd im vier vnd vierzigsten / an Keyser Carolum
quintum beschehen / vnd im trück außgangen / genüg
sam erweisen vnd bezeugen.

Eunomiani.

**S. Augu-
stinus de
heresis
bus.**

Die Eunomianer gaben für vnd lehrten / vber
oberzelte der Arrianer vnd Macedonianer Erze-
reien / Das wer sich irer geheymnus / Sacramenten
vnd Gottes diensten teylhafftig machet vnnnd ge-
prauchet / dem möchten die sünde nicht schaden noch
verdamlich sein. Sondern in Krafft der selbigen ge-
thanen Gottes diensten / weren alle sünd abgetilget /
verziehen vnd vergeben.

Nat aber nicht der Papst / sampt seiner bescho-
nen rotte / gleich den Eunomianern / verzeihung der
sünden / iren erdichten Gottes diensten vnd wercken
zügeschriben. Haben sie nicht gelehret / Sie können
mit iren Messen / Vigilien / singen / lesen / vñ andern
pfaffen vnd kloster wercken / ex opere operato / inn
Krafft gethones wercks (on glauben vnd ware besse-
rung) für die sündler genüg thun. Sie können ja
nicht leugnen / ire eygene bücher bezeugents / Vnnnd
wer sich solcher irer werck teylhafftig mache / sonder
lich mit gaben / der sei von seinen sünden ledig / vnnnd
mögen im ygt nicht mehr schaden. Welches für war
beyde weltlichen vnd geystlichen wücherern / stülreu-
bern / mörderen / dieben / reubern / chebrechern / huren
vnd allen gottlosen / cyn gewündschte lehre vnd han-
del ist. Den wenn sie lange zeit land vnd leut beschis-
sen / beraubet / vnd wol außgebubet haben / als dann
beichten sie in eynem Römischen ablas / lassen Mess
halten /

halten/ oder geben etwas in eyn Closter/ ob sie schon
für vnd für in sünden beharren/ so schadet ihnen doch
die sünd nicht / sondern sein absoluit von peyn vnd
schuld/ wie dises alles die erfahrung erweist.

Luchetx/ Psallianer/ Messalianer/
Die Beter.

Luchetx/ oder Psallian/ Beter/ oder Senger/ Tripar.
lib. vii.
cap. f.
waren eyn besondere roet/ fauler/ müßiger vñ freß-
siger menschen/ welche nichts anders thetten/ dann
das sie für vnd für mit schneller bewegung der leff-
zen vnd mundes/ psalmen singen oder beteten/ sag-
ten/ Man müß on vnterlaß beten.

Was thund des Bapsts Psaffen vnd Mönch
anders/ dann das sie frö vnd spat/ in iren Stifften
vnd Clöstern/ singen/ heulen/ prüllen/ plappern/ vnd
wie sie sagen/ beten? Vil mal mit solcher schnelle des
mundes (vorab wenn sie eyn todten gefress haben/
oder todten vigili proppeleyn/ vnd die presentz nicht
feyst ist) das sie selbs nicht wissen was sie beten oder
singen/ Bereden doch die leut/ sie singen vñnd beten
für andere/ so sie arbeyten odder schaffenn/ Geilen
hiemit abe andern leuten jr gelle/ wein/ Korn/ eyer/
Eeß/ vnd alles des man geleben muß.

Zum andern/ Dise Luchetx vnd Beter/ wolten
auch keyn arbeyt thun/ Niemand mit haussorge die-
nen/ Nicht studieren/ Keyn handt arbeyt/ sich zuer-
nernen/ treiben / Sondern also faule Mönch vñnd
Psaffen sein/ andern leuten ire narung abe geilen/
vnd müßig da von leben.

Es sagen ja die Papisten sie seien geystliche leute
welchen nicht gezimme zu arbeyten/ sonder müssen
ires gottesdiensts für sich vnd andere pflegen. Sind
also inn der warheyt rechte ventres/ faule vnd freß
ge beuche/ Von welchen S. Paulus Rom. am xvj.
hat geweißaget / spricht: Ich ermane aber euch lie
ben brüder/ das jr auffsehet/ vff die da zerrennung
vnd ergernus anrichten (wie alle Mönch vnd pfaf
fen) neben der lehre die jr gelernet habt/ vnnnd wei
chee von den selbigen/ denn solche dienen nicht dem
h:ren Jesu Christo/ sonder irem bauch. Vnd Phi
lip. 3. Sehet auff die hunde/ sehet auff die bösen ar
beyter/ vnd feinde des creuzes Christi/ welcher end
ist das verdammus / welcher der bauch jr gott ist/
vnd jr ehre zuschanden wirt/ deren die irdisch gesin
net sein.

Zum dritten/ Die Pallirer würden auch En
thusiastæ/ das ist / Opfferer (wie Theodoretus inn
Tripartita historia libro septimo capite vndecimo
meldet) genennet/ vnd die der geyst besonders ange
blasen vnd erleuchtet hette.

Also sind die Papisten auch ware Enthusias
tæ/ Denn sie ja fürgeben/ sie halten täglich mess/
vnd offeren inn der selbigen den leib vnd blut Chri
sti/ für die sünde der lebendigen vnnnd todten/ wider
die helle clare schrift/ welche bezeuget/ das sich Chri
stus selbs/ cyn mal am stammen des creuzes für al
ler menschen sünde / Gott dem vatter habe auffge
opfferet/ vnnnd cyn ewige erlösung funden/ Hebreos
ru an neunnden vnd am zehenden capitel.

Zum

Zum vierden. Die Eucheræ vnd Väter hielten
ire treum für gewisse propheceien vnnnd weiffagun-
gen.

Also haben auch vil Mönch vnnnd Pfaffen/be-
sondere gesichte/vnd (wie sie sagten) offenbarungen/
ire Messen/vnd andere teuffels werck dadurch zube-
krieffigen/fürgeben. Lieber Christ/wo mit ist im
Bapstumb/ das erdichte segfwer entzündet/ vnd
seel messen bestetiget worden/dann mit Mönch treu-
men/erlognen gesichten vnd offenbarungen? Man
besehe Dialogos Gregorij Papæ/vnd der Papisten
predige auff aller seelen tag beschehen vnd beschrie-
ben/so wirt man es sehen vnd die lügen greiffen.

Zum fünfften/Von reynigung der seelen triben
die Väter wunder fabelwerck.

Was wunderbarer fabel vnd lügen/haben
Mönch vnd Pfaffen erdicht/vnd öffentlich als eyn
neue prophecei geprediget/vom segfwer vnd reys-
nigung der seelen. Wie dieses ire predigen auff aller
seelen tag beschehen bezeugen/damit sie die ganzen
Christenheyt schendelich verführet/ behöret/vnnnd
ymb ir gellte vnd güte beschissen/Sie aber danon inn
allem sause vnnnd wollust/mit yhren hüren (welches
doch die Eucheræ nicht berüchtiget werden) gelebet/
vil armer leute aber durch ire gespenst vnd geplerz
verführet/ welche kaum das liebe trocken brot/für
irem vnuerschampten geilen/zuessen behalten.

Donatiani. Donatistæ. Montenses.

Die Donatianer hieltens inn der lehre mit den

Catharis vnd Arrianer (von welchen oben gesagt)
Sie hatten aber dise besondere weiß vnd gebrauch/
Das sie alles so inn heyliger geschrifft/irer opinion
vnd kegerischen lehrē/zuwider erfunden/vom na-
türlichen sinn vnd verstande/auffeyn allegori/geyst-
lichen vnd frembden verstande/den eynfältigen hie-
miceyn auge zuverfleyben/vnnd vom rechten ver-
stande der heyligen geschrifft abzuführen/deuteten/
auff das ire büherei desto weniger vermercket wür-
de.

Dieses zwar treibe auch der Papsst/sampt sei-
nen Sophisten vnnd schüllehrern in auflegung der
Schrift/Nemlich/mit erdichten allegorien(das ist/
So man eyn anders rede/ vnd eyn anders meyner)
gespielet. Als wenn man sagt: Sonn vnd monde er-
leuchten die erden. Dieses deuten des Papssts Juris-
sten/Sophisten vnd suppenlecker also: Die sonn/das
ist der Papsst/ist der grōßist vnd höhst. Der Mond
aber/das ist der Keyser/ist vnter dem Papsst/eyn
fleyner hertz in der welt/vnd muß sein liecht/das ist/
gewalt/wie der Mon von der Sonnen/vom Papsst
empfangen. Durch solche vnd der gleichen vnzeitige
allegorien/ vnd verwandte reden/sind die eynfälti-
gen von dem artigen vnd waren sinn vnnd rechten
verstande der heyligen Schrift abgeführt worden/
Dazü die krafft/frucht/vnd verdienst vnser hern
Jesu Christi/vns in heyliger Schrift fürgetragen/
gang vertunckelt/vnnd der recht waar verstande/
Prophetischer vnd Apostolischer geschrifft vnd lehr
vntergeruckte/vnd ire vngereumpte allegorien(wie
der Papissten Thalmud/Rationale diuinarum ge-
nant/

nane/gnugsam erweise) vnd falsche deutungen der
heyligen Schrifft/als allerley fabeln/von den heylt-
gen/von der Römischen Kirchen gewalle / pfaffen/
mönchen/messen/vnd andern/an heyliger geschrifft
statt gelehret worden. Vnd haben es die pfaffen vnd
mönch durch ire allegorien/tyrannei vnd geizende-
lich dahin gearbeytet vñ bracht/das die Bibel / das
ist alt vnd new testament / weder von pfaffen noch
Leyen ist gelesen noch verstanden / ja gar vnter die
bandt geschoben/vnd der Bapstler tande/sazungen
vnd lügen/ an statt der heyligen geschrifft / aufge-
ruffet worden. Denn sie alle zeit/wie noch/ besorget/
die Leyen würden auß heyliger geschrifft / beyde
Bapsts vnd pfaffen berrüg erschen vnd erlernen /
Wie doch/Gott sei lob/beschehen ist.

Zum andern / sagt Donatus (wie S. Augusti-
nus de hæresib. schreibe) das nurgents mehr inn der
gangen welle / Christen/ oder die Christliche Kirche
were/dann alleyn bei jm/ vnd seinen rottgenossen/
das ist/die seiner lehre anhengig weren.

Also sagt auch der Römisch Bischoff/ Alle die
dem Römischen stül nicht gehorsam vnd vnterthe-
nig sein wollen/Auch jnen nicht/als das haupt der
Christlichen Kirchen/erkennen vñnd anbeten/seine
vnd seiner Sophisten auflegungen vnd falsche deu-
tungen der geschrifft/nicht annemen noch glauben
wollen/Die halter er schismaticos vñnd hæreticos/
Das ist/als vnchristen/abtrünnige/vnd keger/ver-
bannt vnd verflüchet sie. Vnd will der Bapst mit
seiner rott/alleyne der außbunde vnd rechte Christ-
liche Kirche sein. So doch er sich selbs mit den Dos-

nathanern von allen waren Kindern Gottes/durch
seine tyrannei/falschelehre vnd sayungen(wie auch
die bischöffe vnd pfaffen zu Hierusalem/sich wider
Christum vnnnd seine Apostolen setzten vnnnd abson-
derten) trennet/sa die war Christliche Kirche durch
andere potentaten verfolget/vnd hierinn der rechte
Endechrist/erkleret vnd erkennen wirt.

Priscillianistæ.

**S. Aus-
gustinus de
heresis
bus.**

Priscillianer/von irem Hispanischen Ketzermey-
ster Prisciliano also genennet/waren mit ob erzehl-
ten/der Gnosticey vnnnd Manicheer Ketzereien be-
haffe. Hatten in sonderheyt diese wort vnd lehre vn-
ter inen/Jura Peiera/das ist/Thu eyn eyd/Bre-
che den eyd. Lehreten damit/das ire rottgenossen
mochten one sünd eydbüchig werden.

Der Bapst/vnd seine vermaynten geyslichen/
werden in ygt erzelten stücken/gantz geßiffene vnd
getrewe nachfolger der Priscillianer erfundē/Wel-
ches inn sonderheyt die acta vnnnd handlungen des
Costenzer Conciliy gnügsam beweisen. Denn imsel-
bigen Concilio warde den heyligen zeugen Christi/
Joanni Huss/vnd Hieronymo Pragen/von Key-
ser Sigmund/eyn frei sicher geleyt/zü vnd ab dem
Concilio in ire gewarßam zukömen/verheyssen vnd
zügeschriben(Sihe das war Jura) aber nicht ge-
halten. Denn der Bapst vnd Pfaffen beredten den
frommen Keyser vnnnd andere Fürsten/Sie weren
disen vnnnd andern Ketzern(die doch Keyner Ketzerei
auß Gottes wort vberzeugt noch vberwunden) zü
gesagt/verbrieffe vnd versiglet geleyt/nicht schuldig
zuhalten/Vnnnd haben sie auch wider alles rechte/
Fürst

Fürstliche trewe vñ zugesagtes geleydt/tyrannisch
verbrennet. Siehe das war Peiera/ Den der Bapst
hatte sie auff Priscillianische weise geleret vñ beres-
det/ Ob schon Keyser vñ Fürsten im zugefallen/
meyneydig würden/solt es inen nicht schaden/Denn
auß krafft himlisch gewalts/künnte er sie von diesen
vñ allen andern meyneyden vñ sünden/volkommen
absolviren/dz es inen nicht schaden möcht. Wie dan
auch noch heutig tags Bapst vñ pfaffen meniglich
bereden vñ leren/man sei den Lutherischen Ketzern
(wie sie es nennen) zugesagten glauben vñ geleydt/
nicht schuldig zuhalten. Vñ dises hat sich offtmals
in kurz erschienen jaren waar sein in der that be-
funden. In sonderheyt aber wirt dises stücklin vil-
feltig zu Rom getrieben/wie die Römischen geuckler
vñ fladenweiher/die weinbischöff vñ Curtianen/
samt jrem anhang wol wissen/vñ in täglicher vñ
uerschampter vbung haben.

So müssen auch alle Mönch/Pfaffen vñ Non-
nen/ Keusch zuleben geloben vñ schwören/ ob wol
Bapst vñnd Bischoff wissen/das sie es nicht halten
werden noch können. Da heysst es dan iura/peiera/
das ist/ Der Bapst vñd all sein hofgesind/sind trewe
lose/meyneydige bößwichter/die nichts halten was
sie schwören/Denn der Bapst (wie seine heuchler die
Sophisten vñ Canonisten liegen) kan ex plenitu-
dine potestatis/ In krafft seins volkommen gewalts/
mit solchen meyneydigen bößwichtern dispensiren/vñ
sie als seine getrewe diener von meyneyd/pein vñ
schuld (ob sie schon vnbüßfertig bleiben) absolviren.
Was möcht aber den Priscillianern in lehr vñ leben
gleicher sein?

Zum andern. Dise Priscillianer rissen auch die
Eelent von eynander/der meynung/als ob die Ehe
eyn vnreyner stande were.

Zwar der Bapst zerreisset vnd machet (wider
recht) vil Ehe vmb geles willen (wie dises vnlang-
bar ist) Vnd wirdt gewislich die Ehe vom Bapst/
als eyn vnreyner stande geachtet/darumb verbeut
et er sie auch seinen fleysch geystlichen/auff das dies
ses besonder heylig volck/durch die Ehe nicht besud-
delt werde.

Jouinianus.

Von Jouiniano/ eynem Römischen Mönchen
vnd Cleric /schreibet S. Hieronymus/ libro primo
aduersus Jouinianum/ Das er der Christen Epicu-
rus gewesen sei. Epicurus aber eyn Heydenischer
Philosophus/Lehret die seligkeyt suchen inn leibs
wollust. Hiemit gibt S. Hieronymus zuuerstehn/
das dieser Jouinianus die seligkeyt inn leiplichem
wollust/ als ist/hochpracht des lebens/ lust der au-
gen/geitz vnd reichthumb/vnd lust des fleysches/fres-
sen/sauffen/vnd was draus volget/gesetzet vnd ge-
suchet habe.

So man aber der Bapst/ Bischoffen Pfaffen
vnd Mönchen leben/vil hundert jar her im grunde
besthet/was ist es anders dann Epicurisch: Ja sie
sind in der schül Epicuri fürtrefflich vñ hochgelert.

Denn wonach trachten sie anders/dann das sie
nur vil pfründen/särlich einkommen/reichthumb vñ
gewalt haben/mit iren haren vñnd bencklingen zu-
perprassen vnd zuuerschwenden/vñ yederman ices
gefallens

gefallens bochen mögen. Summa/ Bauch diener
sind sie/ vnd der bauch ist jr gott/ Philip. 3.

Zum andern. Diser Iouinianus hat nicht vil
vom zukünfftigen leben gehalten.

Die Papiſten zwar leben gemeynlich also/ das
man wol spüret/ das sie/ wie die Epicurer/ vom zu-
künfftigen leben wenig halten. Sie sind wol gegen
dem Epicuro vnnnd Iouiniano / Gew vnnnd wilde
Eber/ Danon David inn Psalmen singet/ die des
Herrn weinberg vnnnd Chriſtliche Kirche/ mit irem
wüſten Gewrüſſel vnd leben/ zerwülen vnd verwü-
ſten/ Dann weder Sardanapalus/ Ariſtippus/ Epi-
curus noch Iouinianus (welchen doch die hiſtorien
eyn wüſtes/ vnzüchtigs/ ſewiſch vnd gar vnſlätiges
leben/ züſchreiben) nie ſo ſewiſch vnd vnuerſchampe
gelebt/ als yetzt die aller heyligſten vätter / Bapſt/
Biſchöſſ/ vnd ire junge Gewe (Sön wolt ich ſagen)
Pfaffen vnnnd Mönch/ meniglich zum ergernus fü-
ren. Welche Epicuriſche Geweiſe/ mit freſſen/
ſauffen/ hüren/ vnnnd aller vnmaß durch den Bapſt
vnd ſeine Iouinianiſche roet/ die fleiſchgeyſtlichen/
beinahe die gangen wellt/ wie eyn Sündfludt/ vber-
ſchwemmet vnd beſudlet hat. Wer diſes nicht glaub-
en wölt/ der beſchawe eyn Eleyne zeit/ der vermeyne-
ten geyſtlichen Prelaten höſe vnd haußhaltung/ ſo
wirres inen die erfarnung leren/ wie ſchandelich vnd
vnſlätig ſie/ aber nicht alleyn mit weibern/ ſondern
auch (vorab die Curtiſanen vnd des Bapſts hoſge-
ſind) mit iren Puſoronen leben/ iſt verſtändigen wol
bewiſe.

Pelagian vnd Celestiani.

Die Pelagianer/wie S. Augustinus schreibt/wa-
ren grosse feind Götlicher gnad/sagten der mensch
möcht one diese/auf freiem willen alle Gottes ge-
bott thun vnd volnbringen. Welches sagen der lere
Christi zuwider ist/da er spricht: One mich können
ir nichts thun/1c. Joan. 15. Vnd das Gott vns auf
gnaden/one zūthun vnserer werck/zur erbschafft
seines reichs/durch Jesum Christum/che der wille
grundt gelegt ward/versehen vnd verordnet/vnnd
vom gewalt der finsternus erredt/auff das so wir
an in glauben/in sein reich versetzt werden. Ephes
sorum 1. Drumb spricht er: Niemand kompt zu mir/
es werde im dann von meinem vatter gegeben/Jo-
an. 6. Vnd auff diser gnad Gottes würt die liebe inn
vnseren herten auff gegossen durch den heylgē geyst/
auff das der glaube durch die liebe ehertig seie. Ro-
ma. 5. Vnd wann die Pelagianer durch Gottes wort
eingetrieben/vnnd irer lügen gestrafft worden/sa-
gen sie/Es werde den menschen Gottes gnad nicht
darumb gegeben/das sie one die selbigen Gottes ge-
bott nicht thun/sonder desto leichter halten möchten.
Vdoch künden die menschen auf freiem willen/one
Gottes gnad/welche mit dem freien willen gegeben
würde/Gottes gebott halten. Zū dem sagten sie/der
mensch künde durch verdienst der werck/Gottes ge-
nad erwerben. Götliche verschung vnd gnad schen-
ken sie gering/sondern schrieben alle ding zū des men-
schen freiem willen/wercken vnd verdiensten.

Diese Kezerei/Götlicher gnad vnnd verdienst
Christi

Christi richtig zuwider/hat die rechte alt Christliche Kirche genglich verdampft. Wider diese haben S. Hieronymus/Augustinus/Prosper/vnd andere vil geschriben/denn sie Apostolischer lehre genglich entgegen ist/rc.

Dise Pelagianische Ketzerei/habennachmals die newe Römische Kirch/Pfaffen vnd Mönch inn iren schülen wider herfür bracht/approbiret/für rechte vnd güt zum teyle erkennen vnd gehalten/wie diese/ (ob sie es lengnen wölten) besitze der Schül lehrer vnd Bapstischen sophisten bücher. Auch das vi. Decret/vnd session Concily Tridentini (wiewol sie im bei vnuerstendigen eyn geferbtes/aber inwendig eyn beschissen hütelin auffsetzen) gnugsam bezeugen.

Vnd welche lerer noch heutigs tags Gottes gnad vnd Christi verdienst vnd erlösung gering schätzen/aber des menschen freien willen/eygen werck vnnnd verdienst (vorab der mönch vnd pfaffen) hochheben vnd preisen/werden vom Bapst/vnd seiner Pelagianischen roet/Orthodoxi vnd Catholici/das ist/rechtgleubige vnd die Christliche Kirch genennet.

Welche lerer aber dise Pelagianische opinionen/als Ketzersch (wie sie auch sind) widersetzen/Gottes gnad vnd erlösung Christi alleyn hoch rhümen vnd preisen/die seligkcyt durch eyn waren glauben vn̄ vertragen/alleyn darinn lernensüchen/die werden vō Bapst vnd seinen Ketzermeystein/als auffrührer/gottlos vn̄ Ketzersch/aber mit vnwarheyt/gescholten vn̄ verfolget. Denn ire kichen (Kirchen solt ich sagen) würt durch solche lehre von Göttlicher gnad vnnnd Christi erlösung geschmelert. Vnd verkeret also der

Bapst/ als der rechte Endschiff/ alle ding seines ge-
fallens/ vñ ist gewislich sampt allen seinen Pfaffen
vnd Mönchen (wie die Pelagianer) eyn Erbschind
Gottes gnaden vñnd verdienstes Christi/ Denn ye
mehr sie iren wercken zuschreiben/ ye mehr der gnad
Gottes vnd Christi verdienst vñ erlösung geringere
würt. Solche Pelagianische lehre aber tragen sie
für/ vñnd schützens mit gewalt/ nicht auß liebe zur
warheyt/ sondern das sie iren ablas kram/ Mess/
vnd andere erdiche heuchel werck/ den narischen
leuten desto theurer vmb gelle verkauffen mögen.
Vnd in disem vbereriffet weit der Bapst Pelagium.
Denn diser seine güte werck nicht vmb gelle/ wie die
fleyschgeystlichen/ verkauffet hat.

Zum andern. Die Pelagianer haben auch gele-
ret (wie S. Augustinus in Hyponostico schreibt)
das libido/ böse begirde/ vnkeuschheyt vñ geylheyt
des fleysches/ keyn sünd were/ Es bedörfft sich auch
niemand solcher beschemen.

Welcher nun der Bapst/ Pfaffen vnd Mönch
leben vnd thun/ mit erleuerten vñnd claren augen
recht anseheth/ vnd wie sie iren hürischen/ chebreche-
rischen vnd Sodomitischen stande führen/ vñnd mit
aller macht verheddingen/ der kan leichtlich sehen
vnd vermercken/ war für sie hürerei achten/ welche
ire bezauberts weihwasser/ abgöttische Mess/ vñnd
ander grempelwerck hinnehmen vñnd abwässchen
kan/ scilicet. Aber es ist keyn kegerei/ die nicht eint
weder hürerei vnd vnkeuschheyt geringe geachtet/
oder aber den Pestande verachtet/ vnd iren rottege-
nossen/ als vnreyn/ verbotten habe. Auff das ja bei
diesem

diesem stücklin ire teuflische leren/abgemalet vnd
erkenntt würden/Wie solt nun dieses am haupt vnd
stinkendem pffile aller Egeret dem Bapstumb fä-
len?

Mahometes.

Mahometes/der Türcken abgott/vnd das Rö-
misch Bapstumb/haben eynen geringen vnd vnrich-
tigen anfang mit eynander gehabt. Sind beinahe
zu eynrer zeit/ als zwen brüder/ oder zwen arm an
eynem leib geboren vnd inn der welt enstanden.

Mahometes war erstlich eynes Arabischen
Kaufmans Knecht/ vnd eyn Nestorianischer Eger
(Nestorius aber leugnet Christum Gottes sohn sein
aus Maria geboren. Tripart. lib. vii. cap. liii. Nach-
mals aber hat der Mahomet eyn newe Sect vnnnd
Egeret im Türckischen Alkoran angerichtet. Gab
für vnd rühmet er wer eyn prophet des ewigen vnd
höchsten Gottes. Hat auch hiemit vil volcks in Ara-
bia vnnnd Africa im anhengig gemacht / Ist also
aus eynem Knecht eyn grosser landesfürst worden.
Dieses aber ist beschehen zur zeit Keyseris Heraclij
zu Constantinopel/nach Christi geburt/ DCXX.
(wie Raph. Volater. schreibet) do ygt diese/dann je-
ne künigreich vnnnd landeschaften vom Römischen
Keyserthumb hinweg gefallen waren?

Eyn kurze zeit zinnor/nach Christi geburt 607.
jar/ ward Bonifacius iij. dennzumal Bischoff zu
Rom/eyn stolzer ehrgetziger man. Auff sein vilfels-
tiges anhalten/vnd auß bewilligung Keyser Phoe-
bas (welcher seinen herren/ Keyser Mauricum/

sampt weib vnd kinden zumor ermördet hat. Sihe
wol cyn seiner stifter des Bapstums) zum primat/
haupte vnd obersten vber alle kirchen vnd Bischoffe
inn der gangen Christenheyt/ wider Christum vnd
sein wort/auffgeworffen/eingedrungen vnd bestetis
get. Ist also auß dem armen Römischen Bischoff in
Eurgem cyn grosser landesfürst worden. Bald dar
nach haben die Bápst Welschland vnd Lombard
dei/durch hülff der Francken/in ire klauen gefas
set/volgends könige inn Franckreich gesetzt vnd
entsetzet/ 1c.

Zum andern. Mahomet sampt seinen nachkom
men regenten/hat obgemelte künigreich sampt an
dern/in seine falsche lehre/religion/vnd Alcoran/
mit schönen schmeichelpworten/listen/vnd mit dem
schwerde bracht.

Das Bapstumb aber hat das ganz occidentisch
Römisch Keyserthumb vnd künigreich vnter seinen
gewalt/falsche lehre vnd sayungen/im namen des
primats vnd statthalters Christi/mit list vnd welt
lichem arm bezwungen. Ist also/ wie auch Maho
met/cyn herr des geyslichen vñ weltlichen schwerts
(welches er sich auch inn seinen Decretalen rühmet)
mit der zeit worden/Welches auch bezeuger vnd an
zeyger des Bapsts trifache kron/nemlich dz er drei/
ja vil künige/im Rō.reich ires gewalts entsetzet vnd
eingenommen/ja das ganz Rō. reich in seiner hande
hab. Welches er auch in dem beweiser/das er das sel
bige reich ettwan an die Franckosen/ ettwan an die
Teutschen seines gefallen gewendet/ Keyser nach
seinem mißwillen gesetzt vnd entsetzet hat.

Was

3 Mahometes verwüßet vnd verherget alle/die seinen Alkoran vñ sargunge nicht annemen wöllen/ vnd müssen in schwerer dienstbarkeyt leben.

Der Bapst sampt den seinen/würget auch/hencket/crencket vñnd brennet/ alle/die seinen falschen vnd teuflischen lehren widerstehn/ vnd nicht gelesben wöllen. Vnd in disem obertrifft der Bapst den Mahomet/ Denn der Türck lasset cynem yeden seinen glauben für sich. Der Bapst aber würget alles/ (on Juden vnd Türcken) was nicht glaubt wie vnd was er wil. Vdoch streiten sie bede mit aller maache wider Christum/sein Euangelion/vnd alle seine angehörigen/ob sie sie außrotten möchten. Daher sie auch billich das zweyhörnig thier inn der Offenbarung Joannis am viij.cap. genent werden/das ist/die zwey gewaltigen reich auß erden/die wider Christum vnd seine heyligen streitten/Vñnd lesterwort/doch als von Gottes wegen vnd Stathalter Christi vnd Gottes/reden werden.

4 Mahomet vnd seine Türcken/haben in iren ceremonien vñnd erdichten Gottes diensten/cynen gang geyslichen schein. Sie beten tags offtmals. Sie reynigen sich/ Sie neygen sich vnd fallen auff die erd im gebet/Sie trincken keyn wein/Essen auff der erden/Sie gehn auch wallen zu irem gestorben Mahomet gen Mecha/ıc. Wer wolt nun sagen das solchs nicht fromme vnd heylige leute weren? Vhre Mönch führen cyn seer strenges leben/vnd erzeygen sich wie vnschuldige schäfflin / So doch vnter dem schafs felle / cyn blüegyriger Lewe / vnd reißender wolff verburget leiget.

Nat aber nicht das Bapstumb eynen herrlichen
vnd geystlichen schein/ in mancherley Ceremonien/
mit Messiren/beten/marmelen/plerien/singen/glos-
cken stürmen/orglen/pfeiffen/feiertagen/fastenn/
wallfärten/ kirchen geschmucke/ mancherley kley-
dung/kutten/kappen/Chorrock/platten/ vnnnd der
gleichen one zaal mōnchen/vnd heuschelwerck. Bes-
sprengen vnd reynigen sich offtmals mit weihwas-
ser. Eliche essen nimmer/oder ja nicht zu allen zei-
ten fleisch/ aber güter wein schmacket jnen wol.

Wer wölte sagen das dieses alles nicht grosse hey-
ligkeyt were? Aber Joannes sagt/das dieses zwey-
hönig rhrer (Türkenthumb vnd Bapstumb) hab-
eyn menschlichs vnd freundlich ansehen/vnd seine
gestalt eynes vnschuldigen lambs. Aber dieses Chis-
res lestermaul/ werde grosse lesterung reden wider
Gott vñ seine heyligen. Wie auch beyde Bapstumb
vnd Türkenthumb/ lange zeit gethon vnd noch heu-
tigs tags thun.

Zum fünfften. Wie Mahomet seine falsche lehre
vnnnd religion/ mit der faust vnnnd schwerde schützet
vnd erhalte/ Also des Bapstes abgötterei/erdichte
Gottesdienst vnd falsche lehre schützen vnd erhalten
etliche potentaten mit dem schwerde vnd nicht mit
rechte/sie were sonst längst zu grund gangen.

Zum sechsten. Mahomet sage auß teuffelischem
geyst/ Christus sei nicht natürlicher vnd warer sohn
Gottes. Wiewol er in eynen fürtrefflichen prophe-
ten/vnd höchsten creatur Gottes/vom heyligen geyst
in Maria empfangen/bekennet/vnd nennet in Got-
tes geyst vnd sel. Verlachets aber so man Christum
Gottes

Gottes Sohn nennet. Leugnet das er warhafftig
gelitten/ vnd hiemit für vnser sünden gnüg gethon
vnd vom ewigen tode erlöset. Welchs ja Christum
zu nichts machen vnd im widersprechen ist.

Das Bapstisch reich zwar füret wol Christum
im mund/ verleugnet aber die krafft seines leidens
vnd sterbens/nemlich die vollkommen gnügthuung
für vnser sünde/ Inn dem/das sie andere gnügthu-
ungen/für ire vnd anderer menschen sünde/mit iren
Messen/Vigilien/pleyzen/segewir/walsarten/vnd
andern Mönchen vnnnd pfaffen werck on zal/zü ey-
ner gnügthuung für die sünden auffrichten. Das ist
ja mit der that leugnen/das Christus warer Gott/
vnd warhafftig für vnser sünden gestorben sei vnnnd
gnüg dafür gethon hab.

Zum siebenden. Mahomet saget auch/ er hab
eyn besser vnd vollkommener gesatz vnd lehre/denn
Moses oder Christus gegeben. Erhebt sich also hoch
vber Christum vnd sein Euangelion/ Oder machet
sich ja Christo gleich/ wiewol er beyde Moses vnnnd
Christum/sampt dem Euangelio herlich vnnnd für-
trefflich lobet.

Zwar den Bapsten ist die heylige vnnnd prophe-
tische schrifft (welche doch eynen yden menschen Got-
tes vollkommen vnd zu allem gütten werck geschickte
machen kan/ 1c. 2. Tim. 3.) auch nicht gnüg vnd vol-
kommen gewesen. Sonder sie haben iren geysler/men-
schen kaar/Decretales vnd sayungen/als die rechte
vollkommene lehre zur seligkeyt notwendig hinan ge-
flebet vnd gesicket/ Wöllens auch nicht geringer/
dann Christi selbs wort/bei verlust der seligkeyt/gr

halten haben. Sterhūmen auch vnd gebrauchen die prophetischen schrifft vnd Euāgelion/wo sie zu irem pracht vnd bauch dienen. Die Bāpst anmaissen jnen auch den gewalt Christi/nennen sich seine stathalter/(den er ist bei jnen nicht anheymisch) sagen sie seien herzn in himel vnd erden/gebieten den engeln/die see len außserm fegewr/in krafft ihres ablaß/gen himel zuführen/welchs sich ja Christo gleich machen ist. Sie schreiben sich vnd wollen auch für herzn vber Keyser/Könige/vnd alle menschen gehalten sein/sagen auch sie können nit irren/welchs sich ja zum Got machen ist/sprechen der Bapst sei das Heupt vnd Breutergam der Christlichen Kirchen/welchs doch ist Christo sein ehr rauben/vñ den heyligen geyst lügenstraffen/welcher sagt Christus sei das Heupt vnd Breutergam seiner Kirchen/seiner gleubigen Ephes. 1. Col. 1. Joan. 3. Matt. 9. welcher jnen alle seine güter/weisheit/gerechtigkeyt/heiligkeyt/erlösung vnd ewiges leben erworben vnd zum erbgüt gegeben/ aber vnser güter/als sünd/todt/vñ vñ verdamnus/auff sich als seine eigne genommen/vnd vns danon erlöset. Zu diesem sagen die Bāpst/das Euangelion vnd seine außlegung stehe in irem gewalt vñ irem beschornen hauffen alleyn zu/vnd sei auch jeder man derselben außlegung nicht weniger dann Gottes wort selbst schuldig zuglauben vnd zugeleben.

Irem/sie mögen (sprechen sie) Sagungen vñnd Artickel des Glaubens machen/ ihres gefallens/hent ja/morgen neyn/ wie dieses ire Concilien/ Decreta vñnd Decretales vielfaltig beweisen. Es gebür auch Keynem menschen (sagen sie) sie in einigem stück zu strafe

straffen/ ob sie wol lehren vnd thun/ das dem Euangelio Jesu Christi/ vnd seiner erlösung richtig zuwidder ist/ vnnnd hiedurch viel tausent seelen in abgrund der hellen führen/ welches sich ja vber Christum/ sein wort/ vñ alles was Gott heysst/ erheben ist/ vñ in mit dem Türckischen Mahomet vnder die füsse treten.

Zum Achten/ der Mahomet erlaube seinen anhengern viel eheweiber zuhaben / dabei sie doch erschrockliche Sodomitische laster treiben vnd vben.

Die Päpst aber gestatten vnnnd högen hurerei/ verbieten auß Teuffelischem rath / ihren Priestern/ Mönchen vnd Nonnen/ den Ehestand/ der doch allen menschen ehelich vnd von Gott niemand verboeten ist/ Hebreor. 13. gestatten viel ehe/ das ire fleisch geystlichen in offentlicher hurerei vnd Sodomei leben/ dann Ehelich werden.

Zum neunnden/ Mahometes sagt in seinem Alkoran/ er sei von Gott gesant/ nicht wunderwerck zu thun/ sonder mit der faust vnnnd schwert zu wirken/ welches er auch fleißig/ mit würgen vnnnd hinschleiffen der armen Christen / außrichtet/ wie wir leyder/ dessen täglich erfahren.

Diesem volgen getrewlich nach die Römischen Tyrannen vnd Päpst/ Sagen man sol mit keynem Fegez/ das ist/ der nicht glauben will / wie vnd was sie wöllen/ vil disputiren/ in auch nicht hören/ ob erschon auß Gots wort seines glaubens könt vñ wölte rechnung geben. Sondern wer wider ire gotlosen lehren/ erdichte vnd nichtige ceremonien nur mauffsetz/ der sol vnd muß sterben/ wie wir ytz in der that sehen vnd erfahren. Das alle die den Papst nicht an-

beren/vnd seine Antichristliche lehr nicht annemen
wollen/die müssen sterben oder verfolget sein. Was
jamer/morde vnd blutvergießen haben die Bapst
vnd ire beschorne rott/in etlich hundert jaren zwis
schen Teutschen/Welschen vnd Franzosen gestiftet
vnd angerichtet. Wie vil Teutsches Christen bluts
ist in den nehesten dreissig jaren/durch der blutigri
gen Bapst vnd pfaffen anstiftung/ in kriegem vnd
sonst/mit brennen vnd würgen vergossen worden?
vnd ist noch keyn anffhörens da/vnd dises alles das
rumb/das man nicht in sein lester schül gehn/vnd in
anbieten will.

Nun sehe frommer Christ/ was vnderscheyd
zwischen Türckenthumb vñ Bapstumb sei: Nichts
dann der name vnd vngleiche Ceremonien/sonst les
stern sie beide zugleich Christum vnd sein wort/vn
terstehn es auch anzureuten vnd zutilgen. So mö
den vnd würgen sie die Christen auffs fleissigst/wie
getrewe kinder ires vatters des teuffels/der von an
fang cyn lügener vnd mörder ist. Christus vnser
herz vnd heylande/wölle sich seines armen vnd kley
nen heufflins gnediglich erbarmen.

Antichristus / Endchrist/ vnd Babylonische hure.

Was bedarffes aber vil wort vnd erzehlung et
licher fürnemsten Tegerien? So doch das gang
Bapstumb vnd yzige Römische Kirche Monch vnd
Pfaffenn/zum grösten theyl/ der ware Endchrist
selbst/Röme hure vnd selzams Thier/mit warheyt/
nach

nach S. Johans weissagung/ mag genent werden.
Denn am xvij. capitel malet vns S. Johans augen
scheinlich für. Zum ersten/ cyn weib. Zum andern/ in
hürischer Kleydung. Zum dritten/ die cyn güldenen
becher in irer handt erget. Zum vierden/ vol vnflats
irer hürerei. Welchen sie fürnemlich den Königen vñ
gewaltigen/ nachmals allen völdern vnd heyden/
darbeutet / an irer stirn stehe geschriben der name
dises geheymnus. Zum fünfften/ Die grosse Baby-
lon. Zum sechsten/ die mutter der hürerei vnd aller
grewel/ auch laster aufferden. Zum siebenden/ dieses
weib aber sitzet auff cynem rosenfarben Thier. Zum
achten/ Das war voll namen der lesterung / vnnd
hatte sieben heupter vnd zehen hörner/ &c.

Zumersten/ Dis weib aber ist warhafftig nics-
mands anders/ dann das yetzige Bapstumb/ sampt
seinen gliedern/ welchem sie allcyn/ als cyn stat vnd
commun gehorchent.

Zum andern. Die hürische vnd herliche Kleydung
aber dieses weibs/ ist nichts anders dann der herlich
eusserlich pracht der Römischen Kirchen/ in schönen
grossen Tempel/ Bildern/ Taffelen/ Orgelen/ Kel-
chen/ Geschirren/ Kleydern/ Lichten/ Leuchtern/
Gold/ Silber/ Edelgesteyn/ Perlin/ Purpur/ Sam-
met/ Seiden/ vnnd der gleichen/ damit ire Kirchen/
Capellen vnd altaren gezieret sein. Zu diesem siet
man der Cardinal/ Bischoff/ äpt/ vorab des irdis-
chen gottes des Bapst/ Pallien/ Hüte/ Ring/ schü/
Mantel/ Ross/ satteldecke/ güldene/ helffenbeyne
vnd seidene stüle/ herlich gezieret/ mägt vnd knecht/

mit welchem hürischem geschmuck/sie beinahe allen menschen die augen verblendet/ vnd yhr hiemit vil büßer gemacht.

Demnach spricht S. Joannes/Sie trage eynen gülden becher in irer hande/In welchem sie eyn büßlen tranck/ja eyn tranck der vnsinnigkeyt/yderman anbeutet/damit sie die vnsürchtigen zu irer vnkeuschheyt vnnnd vnsinniger liebe reytet/ja wie die Poëten fabuliren/als eyn andere Circe/die leut in wilde thieret verzaubert.

Dieser hüren vnd bülen tranck aber ist nichts anders dann reichthumb/ehre/hochwürdigkeyt/gewalt/wollust/Welche ding alle/denen/die der Römischen Kirchen lehre anhangen vnd folgen/fürgeßellet sein.

Auß diesem becher der schönen hüren/haben lange zeit vil Könige/Fürsten/Herren vnd unterthanen/nicht alleyn das schändlich/vnflätig/hürisch/heydnißch/ja Sodomitisch leben/so der mehrer theyl menschen/vorab die fleischgeystlichen vben/gehoffen/sondern auch alle abgöttereien/falsche Gottesdienste/anruffung vnnnd verehrung der creaturen/(welche die Propheten auch gewel vnnnd hürerei nennen) gelehret haben. Ja die welt ist ganz voll vnd toll dieser laster vnnnd gewel/welches niemant leugnen kan/dann der müßwillig mit seinen augen blinde sein will.

Zum fünfften. Dises weib/oder rote hüre/die yetzige Römische Kirche/wird nicht one gheymnus Babylon genent/Erstlich darumb/das sie mit lust
pracht

pracht vnnnd Stolz / den Babylonischen Königen
nachvolget / ja weit vbertriffe. Zum andern / das
beyder ire alle ding / leben / sitten / man / weib / spra-
chen / Götlichs vnnnd menschlichs / durch eynander
vermische / verwirret vnd verdunckelt ist. Denn Ba-
bel heysst eyn vermischung vnd verwirrung / ic.

Zum Sechsten. Dieses weib wirt auch eyn mut-
ter der hurerer / das ist / eyn meysterin aller laster /
vnd eyn erfinderin newer vnnnd vnerhörtter Keusch-
heyt / scilicet / genennt. Welche hure durch ire selg-
me kunst / schmeychelwort / vnd falsche lehre / ire lieb-
haber von Christo vnd ewigem leben abreisset.

Zum Siebenden. Das wilde / selgam vnd vns-
bekant thier / das dises weib treget / sind mancherley
der Mönch / Pfaffen / Canonicken / vnd anderer ver-
meinten geystlichen secten vnnnd rotten / fürnemlich
der Cardinal / mit iren Carmesin hüten / Auß welch-
en allen / als auß mancherley gliedern dises selzamen
wunderthiers / erwachsen ist / welches dises weib / das
Bapstum / treget vnd erhaltet / dan durch dise viler-
ley rotten vnd secten / hat das Bapstum vil hundere
iar zugenomen / vnd ist erhalten worden. Wiewol
dise Bestia vnnnd selgam thier von alter nun mehr
schwach wirt / das es beinahe disen last schwerlich
mehr tragen kan.

Das aber dieses thier mit scharlacken vnd Ro-
senfarb bekleydet ist / wirdt hiemit beyde des thiers
vnd weibs grimmigkeyt vnd wütheri / angezeyget.

Daher Joannes spricht: Dieses weib set von blig
der heyligen martyrer Jesu Christi truncken vnd
besudlet worden. Den diese bestien vnd weib/ Bapst
vnd sein beschorn hofgesind/ wünschen vnd begern
nichts höhers/ dann morden/ würgen/ verwüstung/
vndertrückung/ vnglück/ verhergung der Könige
reich/ Fürstenthumben/ völker/ stett/ vnd vorab der
heyligen Gottes/ wie dieses die historien vil hundert
jar biß auff disen tag bezeugen. Wolt aber yemants
durch die bestien vnd grimmiges thier/ elliche Römische
Keyser/ Könige vnd Fürsten verstehn / das
will ich auch nicht widersehn. Denn das weib/ die
yngige Römische Kirche/ vnd Bapstumb/ vbet sol
che mörderci vnd blutvergiessen der heyligen Gots
tes / nicht inn eygner person / noch auß eygnem ge
walt/ sondern solches beschicht (wie Otto Frisingen
bezeuget) durch cyn andere gewaltige person/ wel
che in der Offenbarung Joannis (spricht er) die be
stia/ oder wildes vnd wunder selzams thier genen
net wurde. Do auch die selbig heylige geschrifte/ den
Endchrist/ den falschen propheten heysset. Den
teuffel aber/ der in treibet/ den trachen nennet. Das
her (spricht yezgemelter Frisingen) leichelich abzu
hemmen/ das der Endchrist/ nur inn gleisnerei kom
men werde/ welcher nicht durch sich selbs/ die heylis
gen Gottes/ eusserlich martern vnd peinigen wurde/
sondern mit lügenhafftigen zeychen/ vnd im schein
der geystligkeyt/ mit vernunft vnd list/ wurde er die
welt betriegen.

Die verfolgung aber pein vnd marter der heyligen
Gottes / wurde er durch cyn andere gewaltige
person

person vnd potentaten (wie heutiges tags beschicht)
vollföhren vnd aufrichten. Vnd so yemande sagen
wölt/diese gewaltige person/ werde sein eyn Römischer
Keyser/ will ichs nicht widdersehten. Bis
her Otto Frisingen.

Zum Achten / Diese Bestia hat sieben heupter
vnnnd zehen hörner/ Welche der heylige Johannes
selbst anzeyget/vnd spricht: Die sieben heupter seien
sieben berge/auff welchen dieses weib/die Römische
Kirche sitzet vnnnd gebawen ist/wie dieses die histori
erfarnen wol wissen/ Das inn Rom sieben berge
sind/ 1c. Die zehen hörner aber sind zehen/das ist/
vil Könige/wie dieses Joannes selbs inn der Offen
barung am siebenzehenden capitel anzeyget.

Zum lesten/sollen wir an diser bestien wol mer
cken/Das sie ist voller lester namen/ dardurch fürs
nemlichen die grösssten ketzereien des Bapstumb
verstanden vnnnd angezeyget werden/Welche inn
Bapstumb vnter dem namen der Christlichen Kir
chen vnnnd waren religion/wie zum teyl droben an
gezeyget/ verdeckt vnd geübet werden. Denn nie
kyn ketzerei gottloser leut gewesen/deren yrrthumb
nicht zum grössern teyl ins Bapstumb/ als inn ey
nen stinckenden pfüle aller ketzerei vnnnd verfürun
gen geflossen sei.

Du solt aber Christlicher leser/durch den Antis
christ nicht eyn person oder menschen alleyn/wie die

Mönche vnd Pfaffen/ fälschlichen dichten/ die leute
von sich zuweisen. Sondern eyn gwalteiges reich (wie dz
Bapstumb ist) das Christo Jesu vnserm heylande/
vnd seinem heyligen wort/ inn alle wege richtig zu
widder sein wirt/ verstein.

Ich wil auch hic mit weder auff diese noch jene
person gedentet haben. Denn in eynem yedem ey-
cannischen vnd gottlosen reich/ können auch wol er-
liche fromme/ vnd die Gott fürchten/ sein vnnnd blei-
ben/ vnd am vnrechten keynen gefallen haben/ &c.

Auch soltu wissen/ das der Endchrist nicht auß
den Juden noch Heyden/ (wie die Mönche liegen)
Sondern auß vnd vnter den Christen/ entstehen vnd
herkommen wirt. Denn also schreibet der heylig Jo-
hannes/ in der ersten Joan. am andern capitel: Es
sind schon vil widerchristen/ oder Endchristen wor-
den/ Sie sind von Vns (Vns) außgangen/ Sie wa-
ren aber nicht von vns/ Denn so sie von vns gewesen
waren/ so weren sie ja bei vns blieben/ &c.

Dieses sei dem eynfältigen teutschen Leser/ zu
Christlicher vnderweisung vnnnd warnung/ sich für
falscher lehre vnd ketzereien zuhüten/ genüg ge-
sagt/ Gott wöll vns in der reynen erkantnus
seines Euangelij vnd warheyt/ biß ans end
erhalten/ vñ für dem gleissendenschein
des Antichristi reich/ vnnnd aller
Ketzerei gnediglich bewaren.
Amen.

Der

Der LXXIX. Psalm / Zu

dieser trübseligen zeit / mit
herzen zusingen.

Herr Gott in deinem throne / sihe auff dein erb
verlaß vns nicht /

Die feind thun nichts verschonen / sie haben
vns schier hingericht.

Mit falscher lehr vns zwingen / mit tyrannei vnd
worte /

Vnd andern losen dingen / von deinem wort
zudringen /

Die vnd an allem ort.

Sie haben deine Knechte / den du befolhen hast dein
Wort /

Verfolget mit vnrechte / on all barmherzig-
keyt erworde.

Ihr leichnā han gefressen / die wilden thier im land /
Sie sein so gar vermessen / vnglaub hat sie be-
fessen /

Deim wort zu hon vnd schand.

Vil bluts vergossen haben / in deiner Christlichen ge-
meyn /

Vnd lteffens vnbegeben / das laß dir Herr
getlaget sein.

Die nachbaurn vns verhönen / mit schand vñ gros-
sem spott /

All die rings vmb vns wonen / thun vnser nicht
verschonen /

Wie irer beschornen rort.

Wie lang wiltu zusehen vnnnd zürnen vber vnser
sünd/

Vnd lassen das geschehen/das dein eifer wie
feyr entbrinde.

Schütze dein grimm zugleich/ vber die dich kennen
nicht/

Vnd auff die Königreiche/die Herr von dir
abweichen/

Nach dir nicht sein gerichte.

Die ire seel wölln redten/auff rechter ban des glaus
bens gan/

Verachten vnnnd vnterretten/ all menschen
randt vnd falschen wahn.

Die wöllens alle verheren/mit tyrannei vnd bann/
Auffressen vnd verzeren/von irem güte sich
neren/

Bis sie verwüster han.

Gedenck nicht vnser schulde/ der grossen sünd vnd
missenthat/

Laß vns erlangen hulde/erbarm dich Herr
nach deiner gnad/

Gar wenig sein der kommen/ dein heufflin ist gar
Eleyen/

Wir sein so gar zertrunnen/vnd han fast ab
genommen/

Laß dirs geklaget sein.

Hilff du Gott vnser Herr/Du bist alleyn der helf
fer than/

Vmb

Vmb deines namens ehre / Vnnd nicht wie
wirs verdienet han.

Das nicht die feinde sagen / Da wo ist nun jr Gott?
Müssen vor in verzagen / vnnnd vnser sünde
tragen /

Deim Wort zu hon vnd spot.

Wölst sie Herz Gott nicht sparen / Bezal jrn morde
vnd falsche list.

Lass sie doch cynst erfaren / Das du Gott selb
ber richter bist.

Das anyhn werd gerochen / Deiner armen Christen
blut /

Die sie habenerstochen / Gedempffet werd yhr
bochen /

Yhr stoltz vnd vbermüt.

Das seuffzen vnd verlangen / Herz Gott im hymel
dich erbarm /

Der elenden gefangen / Nach deinem grossen
starcken arm /

Wölst deine kinder redten / Auß dieser angst vnnnd
not /

Wir sein so gar zertreten / Zerknitschet vnd
zerknerten /

Ergeben in den todt.

Reichlich wölstus vergelten / Dem Bapst vnd sein
ganzem gnoss /

Yhr lestern / fluchen / schelten / Yhr tyrannel
vnd morde so groß,

Damit sie dich gar sere/vnd offte verlesere han/
Das wöllest du O herze/zü deines names chre/
Nicht vngerochen lon.

Auff das in eynem sinne/dein heylig kirch vñ heuff/
lin kleyn /


Durch dich den sieg gewinne/die wir all deine
schäfflin sein.

Erlöset von irem toben/sagen dir preiß vnd ehr/
Vnd deinen namen loben/im hymel hoch do is
oben/ Ewig vnd ymmer mehr.

A M E N.

Errata.

Am ersten blatt b. linea 3. ließ Gnostick
Darnach linea 6. ließ Encratitz.



[illegible]

Lutner

Kuize
Schriften

Alte B.
2934

...ant coram hominibus confitebi
...meo ...
...in sequitur in
...habebit lumen vite di
...honorificabit ...
...est in celis dicit dominus
...salutabitur et pascua iove
...lo pater ut ubi ego sum ill
...et in ista mea erit
...et qui in iusticia meditat
...at in iusticia dei
...habet et florib actum sit
...et terrena triumphus di
...magis celo quod ipse
...sollemnitatem pro comen
...tu fensh ad esto famula
...hodie festa celeb
...et intercessionibus adiuven
...mercedis in ista festina
...processu illius fructificat
...his habet in ista
...omasthen dicit Et coluisti
...tuas donasti ...
...in ista tu annua
...concede propter tu
...a amones in ista
...et cogitat in ista
...illius intelligit vadit post